

四庫全書

史部

欽定四庫全書

通志卷二十五

宋 右廸功郎 鄭樵 漁仲 撰

氏族略第一

臣謹按司馬遷曰書班固曰志東觀曰記華嶠曰典
張勃曰錄何法盛曰說諸史通謂之志然志者古史
之名今改曰畧畧者舉其大綱云

氏族序

自隋唐而上官有簿狀家有譜系官之選舉必由於簿狀家之婚姻必由於譜系歷代並有圖譜局置郎令史以掌之仍用博通古今之儒知撰譜事凡百官族姓之有家狀者則上之官為考定詳實藏於祕閣副在左戶若私書有濫則糾之以官籍官籍不及則稽之以私書此近古之制以繩天下使貴有常尊賤有等威者也所以人尚譜系之學家藏譜系之書自五季以來取士不問家世婚姻不問閥閱故其書散佚而其學不傳三代

之前姓氏分而為二男子稱氏婦人稱姓氏所以別貴賤貴者有氏賤者有名無氏今南方諸蠻此道猶存古之諸侯詛辭多曰墜命亡氏踣其國家以明亡氏則與奪爵失國同可知其為賤也故姓可呼為氏氏不可呼為姓姓所以別婚姻故有同姓異姓庶姓之別氏同姓不同者婚姻可通姓同氏不同者婚姻不可通三代之後姓氏合而為一皆所以別婚姻而以地望明貴賤於文女生為姓故姓之字多從女如姬姜嬴姁媯姑妘媯

始姪嫪之類是也所以為婦人之稱如伯姬季姬孟姜
叔姜之類並稱姓也柰何司馬子長劉知幾謂周公為
姬旦文王為姬伯乎三代之時無此語也良由三代之
後姓氏合而為一雖子長知幾二良史猶昧於此姓氏
之學最盛於唐而國姓無定論林寶作元和姓纂而自
姓不知所由來漢有鄧氏官譜應劭有氏族篇又有潁
川太守聊氏萬姓譜魏立九品置中正州大中正主簿
郡中正功曹各有簿狀以備選舉晉宋齊梁因之故晉

散騎常侍賈弼太保王弘齊衛將軍王儉梁北中郎諮
議參軍知撰譜事王僧孺之徒各有百家譜徐勉又有
百官譜宋何承天撰姓苑與後魏河南官氏志此二書
尤為姓氏家所宗唐太宗命諸儒撰氏族志一百卷柳
沖撰大唐姓系錄二百卷路淳有衣冠譜韋述有開元
譜柳芳有永泰譜柳璨有韻畧張九齡有韻譜林寶有
姓纂邵思有姓解其書雖多大槩有三種一種論地望
一種論聲一種論字論字者則以偏旁為主論聲者則

以四聲為主論地望者則以貴賤為主然貴賤升沈何
常之有安得專主地望以偏旁為主者可以為字書以
四聲為主者可以為韻書此皆無與於姓氏凡言姓氏
者皆本世本公子譜二書二書皆本左傳然左氏所明
者因生賜姓胙土命氏及以字以諡以官以邑五者而
已今則不然論得姓受氏者有三十二類左氏之言隘
矣一曰以國為氏二曰以邑為氏天子諸侯建國故以
國為氏虞夏商周魯衛齊宋之類是也卿大夫立邑故

以邑為氏崔盧鮑晏臧費柳楊之類是也三曰以鄉為氏四曰以亭為氏封建有五等之爵降公而為侯降侯而為伯降伯而為子降子而為男亦有五等之封降國侯而為邑侯降邑侯而為關內侯降關內侯而為鄉侯降鄉侯而為亭侯學者但知五等之爵而不究五等之封關內邑者溫原蘇毛甘樊祭尹之類是也但附邑類更不別著裴陸龐閻之類封於鄉者故以鄉氏麋采歐陽之類封於亭者故以亭氏五曰以地為氏有封土者

以封土命氏無封土者以地居命氏蓋不得受氏之人
或有善惡顯著族類繁盛故因其所居之所而呼之則
為命氏焉居傳巖者為傳氏徙嵇山者為嵇氏主東蒙
之祀則為蒙氏守橋山之冢則為橋氏彫氏因彫班食
於彫門潁氏因考叔為潁谷封人東門襄仲為東門氏
桐門右師為桐門氏皆此道也隱逸之人高傲林藪居
於祿里者呼之為祿里氏居於綺里者呼之為綺里氏
所以為美也優倡之人取媚酒食居於社南者呼之為

社南氏居於社北者呼之為社北氏所以為賤也又如
介之推燭之武未必亡氏由國人所取信也故特標其
地以異於衆凡以地命氏者不一而足六日以姓為氏
姓之為氏與地之為氏其初一也皆因所居而命得賜
者為姓不得賜者為地居於姚墟者賜以姚居於嬴濱
者賜以嬴姬之得賜居於姬水故也姜之得賜居於姜
水故也故曰因生以賜姓七日以字為氏八日以名為
氏九日以次為氏凡諸侯之子稱公子公子之子稱公

孫公孫之子不可復言公孫則以王父字為氏如鄭穆公之子曰公子駢字子駟其子曰公孫夏其孫則曰駟帶駟乞宋桓公之子曰公子目夷字子魚其子曰公孫友其孫則曰魚莒魚石此之謂以王父字為氏無字者則以名魯孝公之子曰公子展其子曰公孫夷伯其孫則曰展無駭展禽鄭穆公之子曰公子豐其子曰公孫段其孫則曰豐卷豐施此諸侯之子也天子之子亦然王子狐之後為狐氏王子朝之後為朝氏是也無字者

以名然亦有不以字而以名者如樊皮字仲文其後以皮為氏伍員字子胥其後以員為氏皆由以名行故也亦有不以王父字為氏而以父字為氏者如公子遂之子曰公孫歸父字子家其後為子家氏是也又如公孫枝字子桑其後為子桑氏者亦是也亦有不以王父名為氏而以父名為氏者如公子牙之子曰公孫茲字戴伯其後為茲氏是也又如季公鉏字子彌其後為公鉏氏者亦是也以名字為氏者不一而足左氏但記王父

字而已以次為氏者長幼之次也伯仲叔季之類是也次亦為字人生其始也皆以長幼呼及乎往來既多交親稍衆則長幼有不勝呼然後命字焉長幼之次可行於家里而已此次與字之別也所以魯國三家皆以次命氏而亦謂之字焉良由三家同出其始也一家之人焉故以長幼稱十曰以族為氏按左傳云為諡因以為族又按楚辭云昭屈景楚之三族也昭氏景氏則以諡為族者也屈氏者因王子瑕食邑于屈初不因諡則知

為族之道多矣不可專言諡也族近於次族者氏之別
也以親別疏以小別大以異別同以此別彼孟氏仲氏
以兄弟別也伯氏叔氏以長少別也丁氏癸氏以先後
別也祖氏禰氏以上下別也第五氏第八氏同居之別
也南公氏南伯氏同稱之別也孔氏子孔氏旗氏子旗
氏字之別也軒氏軒轅氏熊氏熊相氏名之別也季氏
之有季孫氏仲氏之有仲孫氏叔氏之有叔孫氏適庶
之別也韓氏之有韓餘氏傅氏之有傅餘氏梁氏之有

梁餘氏餘子之別也遂人之族分而為四商人之族分而為七此枝分之別也齊有五王合而為一謂之五王氏楚有列宗合而為一謂之列宗氏此同條之別也公孫歸父字子家襄仲之子也歸父有二子一以王父字襄仲為仲氏一以父字子家為子家氏公子郢字子南其後為子南氏而復有子郢氏伏羲之後有伏處二氏同音異文共叔段之後有共氏又有叔氏又有段氏凡此類無非辨族十一日以官為氏十二日以爵為氏有

官者以官無官者以爵如周公之兄弟也周公為太宰
康叔為司寇聃季為司空是皆有才能可任以官者也
五叔無官是皆無才能不可任以官者也然文王之子
武王周公之兄弟雖曰無官而未嘗無爵土如此之類
乃氏以爵焉以官為氏者太史太師司馬司空之類是
也雲氏庾氏籍氏錢氏之類亦是也以爵為氏者皇王
公侯是也公乘公士不更庶長亦是也十三曰以凶德
為氏十四曰以吉德為氏此不論官爵惟以善惡顯著

者為之以吉德為氏者如趙衰人愛之如冬日其後為
冬日氏古有賢人為人所尊尚號為老成子其後為老
成氏以凶德為氏者如英布被黥為黥氏楊元感梟首
為梟氏齊武惡巴東王蕭子響為同姓故改蕭為蛸後魏
惡安樂王元鑒為同姓故改元為元十五曰以技為氏
此不論行而論能巫者之後為巫氏屠者之後為屠氏
卜人之後為卜氏匠人之後為匠氏以至豢龍為氏御
龍為氏干將為氏烏浴為氏者亦莫不然十六曰以事

為氏此又不論行能但因其事而命之耳夏后氏遭有窮之難后緡方娠逃出自竇而生少康支孫以竇為氏漢武帝時田千秋為丞相以年老詔乘小車出入省中時號車丞相其後因以車為氏微子乘白馬朝周茲白馬氏之所始也魏初平中有隱者常乘青牛號青牛先生茲青牛氏之所始也十七曰以諡為氏周人以諱事神諡法所由立生有爵死有諡貴者之事也氏乃貴稱故諡亦可以為氏莊氏出於楚莊王僖氏出於魯僖公

康氏者衛康叔之後也宣氏者魯宣伯之後也文氏武氏哀氏繆氏之類皆氏於諡者也凡複姓者所以明族也一字足以明此不足以明彼故益一字然後見分族之義言王氏則濫矣本其所系而言則有王叔氏王孫氏言公氏則濫矣本其所系而言則有公子氏公孫氏故十八曰以爵系為氏唐氏雖出於堯而唐孫氏又為堯之別族滕氏雖出於叔繡而滕叔氏又為叔繡之別族故十九曰以國系為氏季友之後傳家則稱季孫不

傳家則去孫稱季叔牙之後傳家則稱叔孫不傳家則去孫稱叔故二十曰以族系為氏士李者字也有士氏又別出為士李氏伍參者名也有伍氏又別出為伍參氏此以名氏為氏者也又有如韓嬰者本出韓國加國以名為韓嬰氏如臧會者本出臧邑加邑以名為臧會氏如屠住者本出住鄉加鄉以名為屠住氏故二十一日以名氏為氏而國邑鄉附焉禹之後為夏氏杞他奔魯受爵為侯又有夏侯氏出焉媯姓之國為息氏公子

邊受爵為大夫又有息夫氏出焉此以國爵為氏者也
白氏舊國也楚人取而邑之以其後為白侯氏故二十
二曰以國爵為氏而邑爵附焉原氏以周邑而得氏申
氏以楚邑而得氏及平原加伯為原伯氏以別於原氏
申加叔為申叔氏以別於申氏是之謂以邑系為氏魯
有沂邑因沂大夫相魯而以沂相為氏周有甘邑因甘
平公為王卿士而以甘士為氏故二十三曰以邑系為
氏而邑官附焉師氏者太師氏也史氏者太史氏也師

延之後為師延氏史晁之後為史晁氏此以名隸官是之謂以官名為氏呂不韋為秦相子孫為呂相氏酈食其之後為食其氏曾孫武為侍中改為侍其氏此以官氏為氏者也故二十四曰以官名為氏而官氏附焉以諡為氏所以別族也邑而加諡如苦成子之後為苦成氏臧文仲之後為臧文氏氏而加諡者如楚釐子之後為釐子氏鄭共叔之後為共叔氏爵而加諡者如衛成公之後為成公氏楚成王之後為成王氏故二十五曰

以邑諡為氏二十六曰以諡氏為氏二十七曰以爵諡
為氏也按古人著複姓之書多矣未有能明其義者也
有中國之複姓有夷俗之複姓中國之複姓所以明族
有重複之義二字具二義也以中國無衍語一言見一
義夷俗多侈辭數言見一義夷俗有複姓者侈辭也一
言不能具一義必假數言而後一義具焉其於氏也則
有二字氏有三字氏有四字氏其於音也則有二合音
有三合音有四合音觀譯經潤文之義則知侈辭之道

馬臣昔論中國亦有二合之音如者馬二合為旃者與之與二合為諸之類是也惟無三合四合之音今論中國亦有二字之氏惟無三字四字之氏此亦形聲之道自然相應者也二十八曰代北複姓二十九曰關西複姓三十曰諸方複姓此皆夷俗二字姓也三十一曰代北三字姓侯莫陳之類是也三十二曰代北四字姓自死獨勝之類是也此外則有四聲又有複姓四聲者以氏族不得其所系之本乃分為四聲以統之複姓者以

諸有複姓而不得其所系之本者則附四聲之後氏族之道終焉五帝之前無帝號有國者不稱國惟以名為氏所謂無懷氏葛天氏伏羲氏燧人氏者也至神農氏軒轅氏雖曰炎帝黃帝而猶以名為氏然不稱國至二帝而後國號唐虞也夏商因之雖有國號而天子世世稱名至周而後諱名用諡由是氏族之道生焉最明著者春秋之時也春秋之時諸侯稱國未嘗稱氏惟楚國之君世稱熊氏荆蠻之道也支庶稱氏未嘗稱國或適

他國則稱國如宋公子朝在衛則稱宋朝衛公孫鞅在秦則稱衛鞅是也秦滅六國子孫皆為民庶或以國為氏或以姓為氏或以氏為氏姓氏之失自此始故楚之子孫可稱楚亦可稱芊周之子孫可稱周子南君亦可稱姬嘉又如姚恢改姓為媯媯皓改姓為姚茲姓與氏渾而為一者也自漢至唐世有典籍討論茲事然皆出於一時之意不知澄本正源每一書成怨望紛起臣今此書則不然帝王列國世系之次本之史記實建國之

始也諸家世系之次本之春秋世譜實受氏之宗也先
天子而後諸侯先諸侯而後卿大夫士先卿大夫士而
後百工技藝先爵而後諡先諸夏而後夷人先有紀而
後無紀繩繩秩秩各歸其宗使千餘年湮源斷緒之典
燦然在目如雲歸于山水歸于淵日月星辰麗乎天百
穀草木麗乎土者也臣舊為氏族志五十七卷又有氏
族源氏族韻等書幾七十卷今不能備姑載其畧云
氏族目錄

以國為氏

唐 虞 夏 商 殷 北殷 周

西周 周生 秦 漢 魯 晉 衛

蔡 曹 滕騰 燕 鄭 吳 魏

韓 何 號 郭 管 焦 滑

霍 聃 邵 浩 雍 畢 鄆

邨 邨成 盛 于邨 應 凡 蔣

邢 茅 胙 作 賈 芮 隨

胡巴

杞杞

遂

頤

道

邠邠

耿岑

彤

彤

齊

楚

宋

荆陳

趙

田

許

莒

邾

朱婁

邨

兒

倪

杞

樓東樓

越紀

息鄒

鄧

梁

薛

蕭

沈曾

鄧 繒

徐

邨云 姪 鄒

鄒

宿

羅

夔淳

于 州 公

夷

穀國

舒舒 鳩

舒蓼

舒鮑

須句

須 郟

談

黎犁

申

章

向

葛 諸葛 蓼 黃 權 江 顓 臾

鄒 英 六 葦 辛 謝 射

偏陽 封 呂 仇吾 祝 萊 賴

譚 覃 弦 戴 載 項 暴

陽 翼 牟 鄒 鬲 巢 栢

軫 絞 貳 程 崇 扈 房

杜 箕 密須 寒 過 庸 戈

邶 鄘 鑄 邳 觀 褒 緡

岐 仍 奄 雙 武羅 吾 昆

昆 吾 梅 癸北 雷 元 冥 斟
斟 尋

鄘 用 摯 允 灌
斟 灌 廖
猋 竹

邳 習 西陵 安陵 甲父 有窮 有扈

蒲姑 西王 孤竹 封父 終利 夙沙 秣

末 栢成 顧 阮 共
恭 龔 洪

苑
宛 逢 彭 韋 狄 白狄 翟

代 路
潞 戎 支 驪 卑 廬

邠

甌歐

安

瞞

蠻

羌

鼓

朱

滿

竺

落

洛

淮夷

卑落

義渠

西申

以郡國為氏

紅

靳

番

郴

鄭

東陽

東陵

櫟陽

周陽

信都

冠軍

武彊

廣武

以邑為氏

祭

尹

蘇

毛

樊

尋

邠

單

甘

緱

榮

郝

鞏

汜

汎

謝

邱

營

劉

原

召

邵

臧

邵

后

費

郎

柳

匡

管

鄆

落

姑

鄒

卞

瑕

邱

雙

相

菟

裘

樂

郄

苦

祁

荀

智

輔

續

戲

陽

函

與

邯鄲

羊

舌

羊

絳

步

蒯

黃

雋

曲

范

士

隨

苗

邴

丙

吾

邱

虞

令

狐

溫

楊

孟

壺

鞮

銅

鞮

逵

縣

解

州 鄔 英 俠 鄂 翼 寧

元 儀 常 裘 承 濮 戚

汲 聶 棗棘 商邱 五鹿 馮 京

閻邱 閻 隰 崔 盧 鮑 棠

穰 晏 晝 檀 來郛 菑 盆

即墨 卽 葵邱 梁邱 籍邱 余邱 安平

高堂 鬬 遂爲 屈 陰 鍾 鍾離

春 上官 詹 蔓 白 葉 商密

軒邱 三閭 鄧陵 諸梁 棠谿 留 合

坎 華 平 橫 鄴 信 馬

睢 蘭 鹿 武成 鄆 衙 武安

華陽 涇陽 高陵 通 譙 鄆 鄆

縣 鄆 取慮 薊 鮮于 鮮 母邱

母 三烏 渠邱邱者 漁陽 堂邑 泉全 揭陽

以鄉為氏

裴 陸 耨 龐 閻 郝 尸

肥 資 邾 胡毋 大陸

以亭為氏

麋 采 俞豆 歐陽

以地為氏

所居附

傅 蒙 陵陽 少室 城 池 涂

嵇 鮭 橋 喬 勞 東關 關

頴 狐邱 邱 壺邱 桑邱 龍邱 蛇邱

陶邱 於邱 苞邱 水邱 曹邱 楚邱 康邱

曼邱 威邱 浮邱 安邱 淄邱 稷邱 雍邱

何邱 麥邱 北邱 獻邱 崎邱 羗邱 逢邱

厚邱 一作原 菱 綺 濟 巷 艾 柘

燭 牟 闕 辟閭 申屠 申徒 東門

西門 西 南門 北門 陽門 桐門 夷門

闕門 木門 逢門 胥門 弋門 雍門 彤門

門 東宮 西宮 南宮 北宮 東郭 西郭

南郭 北郭 東閭 西閭 屋廬 市南 社南

社北 三邱 三州 延陵 於陵 平陵 梁垣

蒲圃 東方 西方 九方 東里 百里 東鄉

西鄉 南鄉 北鄉 東野 西野 南野 北野

北唐 北海 成陽 濮陽 鮮陽 鮭陽 梗陽

洛下 瓜田 角 祿里 綺里 夏里 檇里

桐里 空同 延州 邾州 阪上 鈐陵

以姓為氏

氏附

姚 媯 姜 歸 任 風 姬

羸

姓

是

子

芊

姁似

隗

允

偃有偃

禿

媯吉

酉

姁

漆

弋

侯岡

伊祁

伊

已

嫪

以字爲氏

林

家

忌

謀

顯

旅

方

貴

槐

吉

施

奇

爲

貢

衆

騫

顓孫

公父

公之

公石

公索

公伯

公慎

公輸

公西

公周

公冶

公祖

公羊 公良 公齊 公山 公儀 公沙 公玉

少施 夏父 子服 子家 子桑 子陽 子叔

子士 子言 子楊 子孟 子我 子有 子仲

子羽 張 矯 嘉 胥 先 利孫

平 叔帶 叔向 叔魚 孫 彌 析

石 南 子南 子玉 子伯 子齊 公南

公叔 公孟 公明 公文 公析 游 國

駟 印 良 伯有 羽 罕 子師

子國 子罕 子孔 子游 子馬 子皙 子豐

子人 孔 牛 樂 皇甫 靈 邊

正政 祿 乙 魚 事父 子革 子儀

慶 賀 尚 旗 子旗 子乾 子工

子泉 子襄 子雅 子尾 顏 董 明

子臧 子華 子州 公賓 袁 轅 爰

占 子獻 子占 子鞅 子芒 子尚 子禽

子輿 子寤 子沮 子宋 子夏 子枋 成

包 潘 乘 椒 囊 叔敖 無鈞

若敖 伯比 子庚 子季 子西 子重 子期

子囊 桑 逢孫

以名為氏

大庭 大 懷 醜 戲 伏 宓

有 神 軒轅 軒 鴻 金 青陽

青 媧 盤 昊皞 少 高陽 顓玉

堯 禹 啓 湯 甲 沃 槐

力 牧 王音宿 三苗 夷鼓 疇 堪

頤 倉頡 僑 螭 童 僮 老

廣 放上聲 奮 蓐 栗 尊盧 醜夷

勾龍 熙 修 白冥 根水 奔水 列烈

夙 訾 蚩 融 勾 尊 沌渾

屯 汪 稽 泠 冷 倫 伶倫

臺 回 散 廉 龍 容 重

幕 莫 和 羲 父 禺 狸

累 實 達 格 雄 終 季連

善 器 阜 教 陸終 丹 臨

參淺 徵 咸 飛廉 昌 豹 倉

蒼 服 鞠 麴 稷 篇 皮

輿 晁晁朝 狐 昔 太 季騶 季隨

閔 牙 展 弓 賜 茲 意如

遺 述 牢 犖 麗 招 居

曠 萬婉 盈 號射 季嬰 季夙 樓季

弗忌

甥

大狐

大戊

嬰

夷吾

梁其

暉

段

司

豐

蘭

然

子然

去疾

壽

要

既

常壽

慶忌

輒

兼

强梁

子郢

高

柴

白季

激

刁

弱

連

法

光

駱

望

将具

将鉅

熊

能

鬻

班

員

建

渦

冉

染

枝

到

鈞

倚相

辛廖

接輿

棄疾

射

入聲

拳

僚

大心 楚季 無庸 季融 翠 子建 子午

園龜 越椒 嬰齊 黑肱 巫臣 鮮虞 羿

悅 奚 衍 微 微生 幾 仇

求 獲 季老 子蕩蕩 鐸過 督 目夷

祝其 耦 泥 庶其 茅夷 噲 搖

由由余 余 孫陽 偃師 卿 無婁 苴

離 綸 鱗 渾 裨 開 狼

名 顛 麻 柯 瑕 僭 舟

攸 祁 干 禽 琴 萇 黔

易 苦 弘 白 冶 苟 梓

倚 尾 汝 伍 禮 免 蹇

散 繞 肆 具 闕 洩 捷

賓 恩 肩 吾 徐 吾 鍾 吾 由 吾 叔 山

叔 先 叔 達 叔 夜 叔 服 方 叔 陶 叔 甲 鮮

申 章 子 師 富 父 仲 熊 仲 顏 原 仲 慶 父

安 國 仲 長 仲 行 榮 叔 墨 台 墨 台

怡

立如 邴意 舒堅

以次為氏 親附

孟

仲

仲孫

種

叔

叔孫仲

季

伯

丁

癸

祖

舅

咎

古

禰

稚

次

次

孺

太叔

太伯

叔仲

中叔

仲叔

第五

第二

第八

太士

主父

主

南伯

南公

大季

以族為氏

因 領 飢 錡 條 昭 繁

嗣 左 景 賞 索 陘 黨

掌 長 勺 尾 勺 趙 陽 魯 陽 終 葵 工 婁

傳 餘 餘 韓 餘 褐 餘 梁 餘 須 遂 列 宗

運 奄 修 魚 五 王 小 王 屈 南 續 祁 羌 憲

會 庠 樂 利 幹 獻 伊 秩

夷人大姓

党 朴 釋 赫 塞 宜 傍

平聲

單

平聲

雕

口

欽

異

騶

紙

緩

畿

論

副

沓

婁

邵

徐盧

源

茹

也

以官為氏

雲

五鳩

夾鳩

桑扈

烏

史

南史

內史

青史

太史

王史

侯史

祝史

左史

右史

終古

監

士

籍

席

師

帥

中英

樂正

太祝

庾

褚師

褚

錢山司馬司寇寇司徒司空

司城司功司鴻司褐司工公正宗正

宗宗伯符軍偏調衡阿

環箴凌酒委散柱豎

宰宰氏保度庫御訓

憲諫校候漏節畜

鄙僕粟謁閣職嗇

大師大羅牧師馬師少師少正宰父

里	右行	占尹	陵尹	右尹	寺人	行人
相里	右宰	將匠	季尹	門尹	大傳	王人
李	右師	正令	芋尹	箴尹	中行	徒人
	亞飯	趣馬	藍尹	工尹	中壘	左人
	三飯	尚方	樂尹	廐尹	王官	厨人
	四飯	將軍	監尹	連尹	并官	雍人
	理	下軍	清尹	沈尹	左尹	封人

以爵為氏

皇王公霸侯公乘公士

不更庶長

以凶德為氏

蛸莽聞人聞梟兀勃

杙黥

蝮唐武后賜有罪人以也氏

以吉德為氏

冬日老成考成

以技為氏

巫

屠

甄

陶

優

卜

匠

豢龍

御龍

擾龍

屠羊

烏浴

路洛

干將

以事為氏

竇

所

痛

兒

車

鴟夷

冠

褐冠

新垣

白馬

乘馬

青牛

白象

白鹿

蒲

苻

芻

銳

空桑

白石

章仇

以諡為氏

莊

嚴

敬

支恭

康

武

桓

穆

穆

僖

釐

文

哀

幽

宣

昭

襄

聲

寧

威

隱

閔

簡

耿

靖

懿

惠

厲

獻

孝

繆

謬

穆

肅

以爵系為氏

王叔

王子

王孫

公子

公孫

士孫

以國系為氏

唐孫

室孫

廖叔

滕叔

蔡仲

齊季

以族系為氏

仲孫 叔孫 季孫 臧孫 魚孫 楊孫 賈孫

古孫 福子 卷子

以名氏為氏 國邑鄉附

士丐 士季 士吉 士為 士貞 士思 伍參

胡非 鬬耆 伯宗 祁夜 鬬班 鬬彊 魏彊

巫咸 匠麗 祝圉 臧會 韓嬰 韓言 韓厥

韓籍 韓褐 孟獲 史葉 封具 精縱 屠住

邵皓 干已 先穀 彭祖 熊率 熊相

以國爵為氏

邑爵附

夏侯

柏侯

韓侯

屈侯

羅侯

白侯

莒子

戎子

舒子

滑伯

葛伯

息夫

以邑系為氏

邑官附

原伯

溫伯

召伯

申叔

沂相

甘士

以官名為氏

官氏附

師宜

師延

師祁

尹午

呂相

史晁

侍其

以邑諡為氏

苦成 古成 庫成 臧文 丁若

以諡氏為氏

釐子 共叔 惠叔 顏成 士成 尹文 關文

武仲

以爵諡為氏

成公 成王

代北複姓

長孫 万俟 宇文 慕容 慕輿 慕利 豆盧

獨孤 達奚 賀蘭 賀若 爾朱 赫連 賀拔

尉遲 屈突 斛律 斛斯 賀婁 伊婁 庫狄

若干 呼延 柘王 乙弗 薩孤 紇骨 邱敦

綦連 是連 可達 叱利 拔也 叱干 乙干

屋引 賀遂 拓跋 沮渠 禿髮 乞伏 折婁

谷渾 素和 吐萬 車焜 車非 紇于 乙旃

可頻 仇尼 賀悅 徒何 谷會 大野 拔畧

俟利 俟元 俟畿 俟力 俟奴 賀魯 賀葛

賀賴 賀兒 是婁 是賁 是云 是奴 叱利

叱門 叱呂 叱李 叱盧 宥連 費連 叱羅

叱奴 出連 費羽 黜弗 莫盧 莫輿 莫者

莫侯 蓋婁 疋婁 悅力 勅力 倍利 多蘭

賀術 吐奚 越勒 爾綿 溫孤 解毘 牒云

護諾 鐵伐 胡掖 木易 者舌 尸逐 何柰

先賢 唯徐 呼毒 渠復 植黎 奇斤 茹茹

吐賀 吐突 紇單 悉屈 麗飛 吐門 吐難

渴單 阿單 渴侯 統萬 統嵇 悉雲 安遲

輾遲 烏蘭 副呂 柯拔 溫盆 秘邗 如羅

邱林 如稽 鐵弗 薄奚 紇奚 達奚 口引

須卜 烏丸 可地 沓盧 戎眷 去斤 菟賴

素黎 庫門 可沓 醜門 庫汗 婆衍 若久

宿勤 地倫 武都 普屯 折掘 咎盧 達步

斯引 叱靈 郁朱 鮑俎 鶻也 渠金 軍車

叱雷 駱雷 吐粟 都車 生耳 薄野 鶻奚

九盧 荷訾 李蘭 默容 三種 吐火 吐和

屋南

鶻野

已上二十一姓見複姓錄並不詳所出

契苾

阿跌

僕固

高車

哥舒

執失

舍利

沙叱

沙陀

蘇農

似和

跌跌

大拔

噉刺

已上十四姓並唐朝歸化

關西複姓

鉗耳

莫折

荔菲

彌姐

夫蒙

攜蒙

已上西羌人不詳所出

昨和

屈男

罕井

魯步

同蹄

多且

不蒙

叱咤

諸方複姓

夫餘

黑齒

鳧臾

似先

朝臣

瞿曇

鳩摩

佛圖

迦葉

鄒善

烏氏

焉耆

且末

昭武

波斯

代北三字姓

侯莫陳

破六韓

乙速孤

可朱渾

步大汗

郁久閭

步六孤

邱穆陵

紇豆陵

沒鹿回

莫多婁

莫那婁

莫胡盧

莫且婁

莫侯盧

阿史那

阿史德

阿伏干

乙那婁

斛瑟羅

步鹿孤

普陋茹

可地延

拔列蘭

阿鹿桓

宿六斤

烏落蘭

破多羅

庫若干

白揚提

吐谷渾

叱伏列

庫儻官

勿忸于

普六茹

樹若干

扈地干

俟伏斤

地駱拔

郁原甄

若口引

費也頭

破落那

沒路真

譬歷辰

溫石蘭

烏石蘭

紇突隣

骨咄祿

俟呂陵

大莫干

大利稽

俟力代

大洛稽

俟伏斤

壹斗眷

步鹿根

獨孤渾

末那樓

奚什盧

可足渾

渴燭渾

越質詰

阿逸多

突黎人

赤小豆

代北四字姓

自死獨膊

井疆六斤

平聲

東 桐 宮 躬 叢 中 茂

蟲 同 充 翁 儂 冬 佟

琮 從 松 邦 涇 危 馳

綦 慈 釐 斯 移 脂 之

其 开 時 遲 茨 治 藜

駢 衣 斐 希 賁 扶 塗

都 區 瞿 俞 俱 衢 模

呼 霽 梧 軒 辜 軫 蕓

如 約 儲 紆 遂 璩 沮

於 洙 渠 踈 東平聲 初 鉏

虛 犀 院 注 毒 嵐 淮

梧 枚 新 真 頻 欣 仁

閭 勤 筋 芬 言 垣 滾

薰 鎔 敦 俚 乾 端 謹

官 莞 但 錢 難 姍 瞞

間 駢 堅 全 肩 賢 娟

涓 便 牽 延 虔 吞 纏

銚 饒 韶 遼 聊 貂 超

朝 麋 膠 蒿 桃 蛾 備

茶 沙 柰 蛇 諸 查 花

琅 相 疆 將 芳 涼 彊

印 荒 鄉 當 喪 鄺 杭

征 司 經 零 庚 更 星

瓶稱登繒恒備憂

尤修郵秋不巷猷

投膠侵鐔欵謚鹽

潛鉞函藍

上聲

奉重隴闢起俟被

弭紫履鬼舞宇萬

府黼桐序舉處巨

件 堵 浦 圃 嫖 補 禮

邸 洗 亥 改 海 忖 菌

本 雋 棧 琯 晏 蹇 園

卷 究 典 庫 紹 表 考

稻 寶 我 假 仇 仰 養

强 鞅 象 駟 汧 井 永

幸 杏 秉 省 猛 釗 鈕

守 糗 醜 聚 厚 後 部

審品枕檢儉湛啖

咎覽湍減咸撤範

去聲

統鳳祕利義騎匱

類貴尉曉意謂露

固故喻論布樹遇附

務瓠錯據住鑪庶

絮桂吞計棣隸制

毳

蒂懣

稅

藝

裔

弊

世

炆

帶

藹

沛

貝

兌

俾

進

遴

慎

靳

貫

冠

爨

贊

炭

戰

戀

賤

練

變

見

薦

燃

淖

漕

好

耗

播

操

舍

庫

化

晉

斥

暢

伉

抗

亢

曠

相

諒

亮

盎

況

浪

聖

性

豆

鏤 勾 富 繡 救 廐 灸

冑 舊 就 禁 念

入聲

瀕 木 沐 谷 睦 瀟 鵠

藪 郁 束 鎰 鄭 逸 卓

偃 濁 濯 朔 學 術 暨

悉 帙 肱 鬱 尉尉 弗 恤

邾 厥 骨 髮 筮 察 脫

糴 折 滌 桀 藥 齧 別

鐵 恪 恪 洛 薄 錯 雙

鐸 博 畧 藥 約 直 食

勅 墨 勒 植 特 錫 壁

休 夕 室 赤 辟 竿 適

麥 帛 益 革 澤 給 集

襲 蓋 厓 蚕 納 涉 接

複姓

以茲複姓不知其本故附四聲之後

綦母 西乞 西都 西鉏 南榮 北人 九百

段干 青萍 長盧 索盧 蒲盧 盧蒲 茲母

巨母 母將 母終 母車 宣于 闕于 多于

梁由 梁石 梁可 仲梁 穀梁 將梁 容成

廣成 務成 析成 陽成 上成 盆成 將閭

林閭 庚桑 有男 澹臺 浩星 墨夷 養由

安期 沐蘭 端木 姑布 黔婁 中梁 中野

室中 路中 步叔 石作 古野 壤駟 合博

漆彫 空相 京相 馬矢 馬適 巫馬 關龍

青烏 羊角 苑羊 羈羊 浩羊 長魚 昭沙

樂王 泠州 老萊 列禦 瞻葛 瑕呂 不弟

鈎弋 呂管 陵終 邑裘 懸潘 屠岸 函冶

洞沐 甫爽 安是 遨僕 補祿 游棣

總論十三篇

同名異實第一 改氏第二 改惡氏第三

漢魏受氏第四 變夷第五 變於夷第六

別族第七

避諱第八


音訛第九

省文第十

省言第十一

避仇第十二

生而有文第十三



通志卷二十五

欽定四庫全書

史部
通志卷二十六

詳校官侍讀臣陳萬書

編修臣裴謙覆勘

覆校官助教臣金學詩

校對官典簿臣劉光第

謄錄監生臣陸紹臺

欽定四庫全書

通志卷二十六

宋右廸功郎鄭樵漁仲撰

氏族略第二

以國為氏

古帝王氏

唐氏

祁姓亦曰伊祁出陶唐氏之後堯初封唐侯其地

丹朱裔孫劉累遷於魯縣累孫猶守故地至商更號豕韋氏周復改為唐公成王滅唐以封弟叔虞號曰唐叔

乃遷唐公於杜降爵為伯今長安杜城是也周之季世又封劉累裔孫在魯縣者為唐侯以奉堯嗣其地今唐州方城是也傳曰自虞以上為陶唐氏在夏為御龍氏在商為豕韋氏在周為唐杜氏成王滅唐故子孫為唐氏此晉之唐也宣十二年傳楚子使唐狡與蔡鴆居告唐惠侯使潘黨率游闕四十乘從唐侯為左拒其地在今隨州唐城縣此楚之唐也定公五年楚滅唐子孫亦以唐為氏在晉者仕晉在秦楚者仕秦楚晉有唐睢為魏大夫西說秦不敢加兵於魏楚有唐狡唐勒與宋玉景差俱師屈原事楚襄王文章齊名秦有唐厲為漢中尉擊黥布有功封斥邱侯

臣謹按釋例唐姬姓又公子譜一曰成王封叔虞於唐號曰唐叔侯其子燮父之後春秋時國小微弱遂

屬為楚邑據此當云其子燮父之後別封於唐近於楚微弱遂為楚屬邑又按堯之後分為六唐氏杜氏范氏劉氏韋氏祁氏皆為著姓豈堯澤之不泯歟

虞氏

姚姓舜之建國也舜以天下授禹禹封舜之子商均於虞城為諸侯後世國絕以國為氏又周太王

之子太伯之弟仲雍是為虞仲嗣太伯之後於句吳武王克商封舜之後胡公滿於陳封虞仲之庶孫於虞城以為虞仲後虞仲國於吳其文庶封于此故亦謂之西吳此姬姓之虞也今陝州平陸縣東北六十里有故虞城在僖五年晉滅夏氏亦曰夏后氏姒姓顓帝之後也之子孫亦以國氏夏氏當堯之時有洪水之患使鯀治之九載不成功乃殛鯀于羽山用其子禹為司空治水有大功舜以天下授之是為夏后氏今陝州夏縣禹之

所都也禹之受舜禪至桀凡十七君十四世四百七十
一年為湯所伐放於南巢武王克商封其後於杞其非
為後不得封者以夏為氏焉又陳宣公之子少西字子
夏其孫夏舒以王父為氏是為陳夏氏也後漢有夏馥
夏商氏子姓商本上雒今之商州也及成湯有天下始
牟祖契其母曰簡狄為帝嚳次妃三人行浴見元鳥墮卵
取而吞之孕而生契舜命契為司徒封於商十四世至
湯放桀又三十世至紂周武王滅之子孫以國為氏魯
有商瞿仲尼弟子又秦有衛鞅本衛公子也封為商君
子孫亦以商氏焉宋朝登科殷氏契始封於商後世遷
有商庭又有商言詩登州人殷氏于亳故京兆杜縣有
亳亭是也杜城今在長安南故司馬遷云禹興西羌湯
起亳也及有天下始居宋地復命以亳今南京穀熟是
也蓋有澍水出陽城東至西華汝陽入于潁水合流古
人并謂潁為澍故命以殷舊有澍水縣宋建隆改商水

隸陳州然遷于囂遷于相遷于耿遷于朝歌皆謂之殷
以成湯建國之所命也或謂之商以契始封之所命也
自湯至雍已而商道始衰諸侯或不至雍已弟太戊立
任伊尹之子伊陟為相桑穀共生于朝一夕大拱伊陟
曰妖不勝德君之政無乃有闕太戊修德祥桑枯死商
道復興故稱中宗太戊崩子仲丁立遷于囂至河亶甲
遷于相商復衰于祖乙立遷于耿任巫賢而商道復興
至于陽甲王業益不振良由自仲丁以來廢適而更立
諸弟子弟或爭相代而立比九世亂於是諸侯不朝陽
甲崩弟盤庚立是時都河北盤庚渡河南凡五遷復居
湯之故都治亳行湯之政諸侯始朝其弟少辛立商復
衰百姓思盤庚之治乃作盤庚三篇至武丁即位因夢
而求得傳說為相為中興王廟號高宗至武乙復去亳
徙河北好射獵為革囊盛血仰而射之曰射天暴雷震
死至紂為周武王所滅封微子於宋以
奉湯祀其子孫不得封者以國為氏

北殷氏

後有北

殷周氏

姬姓黃帝之苗裔后稷棄之後有邵氏曰姜原為帝嚳元妃出見巨人跡踐之而孕期月生稷

初以為不祥而棄之故名曰棄好種藝堯聞之舉為農師舜封於邵號曰后稷邵今武功縣蔡城是也邵之總名曰周故國號周后稷卒子不密立不密末年夏太康失國稷官遂廢不密失職乃奔戎狄之間孫公劉復修后稷之業詩人歌之遷于豳今邠州三水有古豳城是也至古公亶父有薰鬻之難去豳居岐幽人扶老攜幼盡歸之隣國亦歸之今鳳翔岐山是也至文王始伯諸侯武王光有天下追封古公季歷文王為王文王都豐武王都鎬豐在永興鄠縣東南鎬在豐之東二十里昭王之時王綱不振乃南巡狩卒於江上穆王得八駿西巡於崑崙之邱以見西王母樂而忘歸徐偃王作亂厲王無道國人畔之出奔于莚召公周公二相行政號曰共和共和十四年立厲王之太子靖是為宣王周室中興其子幽王為褒姒惑欲立其子伯服而廢申后太

子宜咎宜咎奔申侯與犬戎攻周殺幽王於戲晉文
侯與鄭武公迎宜咎于申而立之是為平王徙居東都
王城今西京河南縣是也平王四十九年魯隱公之元
年也敬王又遷成周今洛陽縣也敬王三十九年獲麟
之歲也敬王四十一年春秋終元王以下十有二世二
百二十一年報王為秦所滅然為庶人百姓號曰周家
因為氏焉又平王之子別封汝南者亦為周氏見志獨
詳又有周公黑肩之後世為周卿士又商有太史周任
豈其食采於周與又秦相有周恢又有姬氏唐先天中
避明皇嫌名改為周氏又上元中璽佐時準制改為周
氏又代北複姓有賀魯氏改為周氏又後魏獻帝
次况普氏改為周氏又後周改周氏為車非氏
氏 報王為西周武公 **周生氏** 見姓苑今人呼人亦曰某
其後為西周氏 生不必外生也晉中經簿
云魏侍中周生烈 **秦氏** 嬴姓少皞之後也以皋陶為始
本姓唐外養周氏 祖十世曰蜚廉生二子一曰惡

來其後為秦二曰季勝其後為趙惡來之後五世曰非
子初封於秦谷為秦氏秦谷故隴西秦亭是也隴西并
入汧原今隸隴州有故秦城在後徙封平陽復遷于岐
豐之間又遷于大邱又遷于雍又遷于櫟陽又遷于咸
陽皆本於秦谷故號秦馬非子好馬及畜周孝王使主
馬于汧渭之間馬大蕃息孝王曰昔柏翳佐舜主畜畜
多息故有土賜姓嬴今後世亦為朕息馬朕其分土為
附庸邑之秦使續嬴氏祀號曰秦嬴或曰伯益佐舜賜
姓嬴氏秦嬴四世曰秦仲為周宣王大夫始有車馬禮
樂以討西戎死之莊公立長子世父曰戎殺我大父我
非殺戎王不敢入邑讓與其弟襄公周幽王有犬戎之
難襄公救周以兵送平王都維邑平王封襄公為諸侯
賜之岐以西之地至穆公用百里奚蹇叔為大夫納公
子重耳為晉君不殺孟明視西乞術白乙丙以報晉人
殷之役禮亡臣由余以伐戎益國十二開地千里遂霸
西戎至孝公用衛鞅之術以富國彊兵自此以還六國

不能與之爭衡凡三十五世自子嬰降漢秦之子孫以國為氏焉魯又有秦氏居於秦邑今濮州范縣北舊秦亭是其地又楚有秦商魯有秦非秦有秦祖秦冉者皆為仲尼弟子漢有潁川太守秦彭晉有秦起

太史公曰秦之先為嬴姓其後分封以國為姓有徐氏邾氏莒氏鍾離氏運奄氏菟裘氏將梁氏黃氏江氏脩魚氏白冥氏蜚廉氏秦氏然秦以其先造父封趙城為趙氏

臣謹按嬴姓也秦氏也何謂以國為姓乎徐邾莒黃江國也以國為氏者鍾離楚邑菟裘魯邑也以邑為

氏者蜚廉人名也以名為氏者何謂以國為姓乎凡此十三氏并趙為十四氏其為氏不同而姓則同嬴也由司馬氏作紀世家為譜系之始而昧於此義致後世之言姓氏者無別焉言秦者又有三秦國之後以國為氏其有出於魯者以邑為氏蓋魯有秦邑故也出於楚者未知以邑以字與然此三秦者所出既殊皆非同姓彼十四氏雖不同秦而同嬴是為同姓此三秦者雖同秦而不同嬴是不為同姓古者婚姻

之制別姓不別氏三秦可以通婚姻十四氏不可以
通婚姻此道湮蕪已久譜謀之家初無識別

漢氏

姓苑云東莞有此姓云漢高帝之後初項羽封沛公為漢王王巴蜀漢中今興元府漢中郡也自高

帝至光武終於獻帝通王莽十八年劉聖公二年計四百二十五年傳漢祚漢亡子孫或以國為氏

臣謹按三代之時天子諸侯傳國支庶傳氏其傳國
者國亡則以國為氏三代之後雖有國號無問適庶
皆以氏傳而謂之姓如漢家雖亡亦稱劉氏或有稱
漢者雖存古道而存為希姓

周同姓國

臣謹按以國為氏者有二諸侯之子在其國稱公子
在他國則稱國國亡無爵者亦稱國

魯氏

武王克商封其弟周公旦於曲阜本少昊之墟又大庭氏居之魯於其上作庫故謂大庭氏之庫其

地本名魯因以命國乃作都于曲阜宋祥符中改曲阜為仙源今隸兗州周公留相成王而使元子伯禽就封於魯錫之山川土田附庸官司典策四代之樂郊上帝與周同制伯禽之國周公戒之曰我文王之子武王之弟今王之叔父我於天下亦不賤矣然我一沐三握髮一飯三吐哺猶恐失天下之士汝之魯慎無以國驕人伯禽之魯三年而報政周公曰何遲也曰變其俗革其禮喪三年然後除之太公封於齊五月而報政周公曰

何速也曰吾簡其君臣禮從其俗為也周公數曰魯後世其北面事齊矣不簡不易民不有近平易近民必歸之宣公之後三家盛公室微弱昭公見逐卒于乾侯自隱公至哀公凡十二世見春秋自悼公至頃公為楚考烈王所滅頃公亡遷于干邑為家人子孫以國為氏

臣謹按魯自莊公之時齊桓公始伯爾後齊為盟主魯共命之不暇則報政之言周公不虛也况魯自襄仲殺適立庶宣公之後公室微弱政在三家昭公不反國哀公卒于有山氏可哀也哉魯起周公至頃公三十四世豈周公之澤流芳浸遠而微弱之漸亦由

伯禽立政之所始也

晉氏

晉大夏之墟也堯之所都平陽其國曰唐及叔虞封於唐其子燹父嗣封改為晉以其地有晉水故

也今為晉州其地正名翼亦名絳而平陽者是其總名至景公遷于新田謂新田為絳今絳州也而謂平陽為故絳叔虞者武王第二子初邑姜方娠武王夢天謂之曰余命而子虞與之唐及生有文在其手曰虞遂命曰虞字子干成王立唐有亂周公滅之成王與叔虞戲削桐葉為珪曰以此封若史佚因請擇日立叔虞成王曰吾與之戲耳佚曰天子無戲言遂封於唐在河汾之東地方百里至昭侯封其叔成師於曲沃號桓叔曲沃大於翼是謂末大於本桓叔之孫武公滅翼以其寶器獻于周僖王王命武公為晉君獻公始彊大文公伯諸侯文公之後世為盟主至景公遷于新田晉始作六卿自此政在私門韓趙魏威彊烈公十九年周威烈王命三

家皆為諸侯靜公二年魏武侯韓哀侯趙敬侯滅晉而三分其地靜公遷為家人子孫為晉氏凡三十三代魏將有晉鄙蓋其後也漢有晉寶為樂安相

臣謹按晉魯大國而其子孫希少者皆由彊臣剝喪

公室枝葉凋落其來已久及夫亡國之日公族無幾

矣齊亦如是

衛氏

文王第九子康叔封之國也武王克商之後以商餘民封紂子武庚祿父以奉先祀武王又令其弟

管叔蔡叔相之以和其民武王崩成王幼周公攝政管蔡疑周公挾武庚祿父作亂周公以王命伐之而以商之餘民封康叔為衛君居河淇之間故商墟周公與康叔至相睦故以其地封之作康誥酒誥梓材三篇命之

國而行魯國之政故曰魯衛之政兄弟也其地曰朝歌
漢晉為縣隸汲郡隋始改為衛縣遂為衛州衛縣朝歌
故城在縣西二十二里衛縣宋熙寧中省為鎮入黎陽
及懿公為狄所滅齊桓公率諸侯城楚邱而立文公苑
邱今單州成武是也魯僖公三十一年衛成公始遷于
帝邱今澶州濮陽是也桓公十二年魯隱公之元年也
出公輒十二年獲麟之歲也凡傳世四十餘至衛君角
之九年秦并天下子孫以國為氏至漢有丞相建陵侯
衛綰蔡氏文王第五子蔡叔度之國也或言第十四子同
武王周公輔之武王平天下封功臣兄弟乃封叔鮮於
管叔度於蔡二人相紂子武庚祿父治商餘民武王崩
成王少管蔡疑周公不利於成王乃挾武庚以作亂周
公以王命伐之殺管叔而放蔡叔與車十乘徒七十人
從而分商餘氏為二其一封微子啓於宋以續商祀其
二封康叔為衛君蔡君叔度既遷而死其子曰胡改德

率行周公聞之舉以為魯卿士魯國治於是言於成王復封於蔡以奉蔡叔之祀是為蔡仲其地今蔡州上蔡縣西南十里故蔡城是也至平侯徙居新蔡今蔡州新蔡是也至昭侯衰微服役於楚遂徙于州來謂之九江下蔡是也下蔡今為縣隸壽州宣侯二十八年魯隱公之元年也昭侯子成侯十年獲麟之歲也自昭侯以下春秋後相承二十六世為楚所滅子孫以國為氏又後周改賜姓為大利稽隋復舊晉有蔡墨秦相蔡澤或以邑或以地未知其得氏之由漢功臣表肥如侯蔡演演元孫丞相義義元孫勲為長安郎長累召不至勲曾孫攜曹氏叔振鐸文王子而武王弟也武王克商封之於陶邱今廣濟軍定陶是也振鐸後十四世桓公二十五年魯隱公之元年也至二十四世伯陽立為宋景公所滅時魯哀公八年也初國人有夢衆君子立于社宮誅亡曹曹叔振鐸止之請待公孫彊許之夢者求之曹無此人而戒其子曰我亡爾聞公孫彊為政必去

曹無雁禍及伯陽即位好田弋之事六年曹野人公孫
彊亦好田弋獲白鴈而獻之且言弋之說因訪政事伯
陽說之使為司城以聽政夢者之子乃亡去十四年公
孫彊說曹伯背晉奸宋十五年為宋景公所滅子孫以
國為滕氏文王第十四子叔繡後也武王封之於滕舊
云滕在沛國公邱縣東南按晉志公邱屬魯
國今兗州龔邱是隱十一年滕薛來朝爭長自叔繡及
宣公十七世始見春秋國小弱不能朝王每朝于魯名
不赴故不書隱公以下春秋後至公邱二十一世為秦
所滅釋例云春秋後七世為齊所滅又有滕氏即滕也
因避難改為騰後漢有北海相騰撫燕氏北燕也舊幽
梁孝行傳有騰曇恭今開封有此姓燕氏北燕也舊幽
南燕今滑州昨城是也召康公夷周之支族食邑於召
武王滅紂封召公於北燕成王以為三公與周公分陝
而治決獄於甘棠之下後世思之不忍伐焉然其國僻
小不能通諸夏盟會自召公以下九世至惠侯始見載

籍又惠侯九世莊公之時齊桓公始伯北伐山戎為燕
開路燕君送齊君出境齊君割燕君所至地以予燕使
職貢于天子修召公之政於是乎莊公始稱公自莊公
十三世簡公始見春秋簡公卒獻公立始有年次自獻
公至易王八世始稱王易王卒燕噲立讓國與其相子
之子之南面行王事國人不悅齊王令章子將五都之
兵因北地之衆以伐燕子之亡燕昭王即位欲雪齊恥
乃卑身厚幣以招賢者築宮以尊郭隗而師事之樂毅
自魏往劇辛自趙往鄒衍自齊往士爭趨燕乃與秦楚
三晉合謀而伐齊齊兵大敗湣王亡自易王至王喜七
世稱王為秦所滅自獻公之子孝公以下六世始大稱
王十二世二百二十五年太史公謂燕崎嶇疆國之間
最為弱小幾滅者數矣然社稷血食八九百歲於姬姓
獨後亡豈非召公之烈邪南燕姑姓伯爵黃帝之後實
故國猶存於周者南燕北燕皆為燕氏此異姓而同氏
者望在范陽漢有功臣宜城侯燕倉後漢中郎將燕瑗

北齊有右僕射燕子獻唐有補闕燕欽融鄭氏周厲王
宋朝有龍圖閣學士燕肅望出上谷范陽鄭氏之少子
宣王之母弟桓公友之後也桓公初受封於鄭在周之
畿內今華州鄭縣是也封三十三歲為周大司徒當幽
王時桓公問於太史伯曰王室多故吾安逃死乎對曰
獨洛之東土河濟之南可居地近號鄆其君貪而好利
今君為司徒民皆愛公公誠居之號鄆之民皆君之民
也桓公從之後幽王有犬戎之禍桓公死難其子武公
從平王東遷卒有號鄆之地號為新鄭今之鄭州也武
公生莊公莊公之二十年魯隱公之元年也聲公二十
年獲麟之歲也聲公三十七年卒自聲公三世至幽公
韓武子伐鄭殺幽公子孫播遷陳宋之間以國為氏自
幽公二世鄭君乙之二十一年復為韓所并幽公生公
子魯魯六世孫榮號鄭君生當時漢大司農居滎陽開
封唐志云魯七代吳氏今蕪州城是也太伯與弟仲雍
孫鄭君生當時

也季歷有聖子昌太王欲立季歷以及昌故太伯仲雍相攜而奔荆蠻太伯號句吾舊曰句吾地名然吳有句吾越曰勾踐皆是名號非謂地名勾者吳越之語解也荆蠻之人義太伯從而歸之千餘家立以為君長太伯卒無子仲雍立至武王克商求太伯仲雍之後得仲雍之曾孫周章已君吳矣從而封之為吳子追封太伯為吳伯又別封周章之弟虞仲於虞皆為諸侯自太伯五世而得封十二世而晉滅虞虞滅而吳始大至壽夢而稱王其子季札來聘始見春秋自壽夢以上可知世數而不可紀年壽夢之元年魯成公之六年也夫差十五年獲麟之歲也二十三年魯哀公之二十二年也是年勾踐滅吳子孫以國為氏季札避國子孫居齊魯之間

魏氏

始祖畢公高封於畢為畢氏杜預曰畢在長安西北今長安縣西有杜山又曰畢陌至畢萬事晉封

於魏杜預曰魏在河東河北縣河北今為平陸縣陝州治有魏城後雖遷徙不常自封魏之後皆號魏惟徙梁

之後亦謂之梁按畢公高周文王第十五子蓋庶子也故云姬姓之別族武王伐紂而高封於畢其後絕封為庶人其苗裔曰畢萬卜事晉遇屯之比辛廖占之曰吉此公侯之卦獻公十六年趙風為御畢萬為右以伐耿霍魏三國而滅之以魏封畢萬為大夫生魏犢從晉公子重耳出奔及重耳立以犢襲魏氏後治於魏武子之後世為晉卿生悼子徙治霍今晉州霍邑是也生魏絳晉悼公曰自吾用魏絳八年之間九合諸侯和戎翟絳之力也賜之樂是為莊子徙治安邑今為隰隰州自莊子七世文侯始稱侯受經於子夏過段干木之間未嘗不式也其子武侯之十年與韓趙滅晉而分其地武侯之子稱王徙治大梁今開封治也是為梁惠王自文侯而下二侯七王秦將王賁灌大梁絳滅王假以其地為郡縣子孫以國為氏安釐王封其弟公子無忌為信陵君其後蕃威漢有高梁侯魏無知者信陵君之孫也又有寧陵君魏咎陳勝立為魏王其弟魏豹項羽立為

魏王後乃魏韓氏姬姓之別族出晉穆侯之少子曲沃之諸公子也

韓原一云成王封叔虞於唐賜畢萬韓原之地其地今

同州韓城縣南十八里故城是武子生厥是為獻子晉

景公之時晉作六卿獻子在一卿之位從其始封遂為

韓氏世為晉卿厥生起是為宣子起聘于周天子嘉其

有禮曰韓氏其昌阜於晉宣子徙居州今懷州武德是

也生貞子徙居平陽今晉州也貞子五世景侯與趙魏

俱得為列侯景侯四世哀侯與趙魏分晉國滅鄭而徙

都焉哀侯四世宣惠王始稱王至王安五年秦攻韓急

使韓非使秦秦留非殺之九年秦虜王安盡入其地

為潁川郡自景侯至王安六侯五王百七十九年何

氏姬姓唐叔虞裔孫韓王安為秦所滅子孫分散江淮

音訛以韓為何氏漢有何武為膠東相孫比干為丹

陽都號氏有二皆王季之子號仲之國在今號州謂之

尉號氏西號僖五年晉滅之號叔之國在鳳翔號縣

公子諸云在滎陽謂之東虢虢叔之國為鄭所并以建鄭國虢仲之國僖五年晉滅之子孫以國為氏左傳晉

大夫虢射漢有虢

郭氏

春秋有郭公遂以為氏公羊曰虢謂之郭聲之轉也或言郭為

廣為春秋博士

晉所滅公子配奔周遂為郭氏今虢氏無聞惟著郭氏

左傳齊有郭最燕有郭隗後漢郭丹又有郭泰字林宗

舉有

管氏

城是也子孫以國為氏焉又齊有管夷吾出

自周穆王至夷吾始顯於齊夷吾裔孫修仕楚齊又有

管至父漢有燕令管少卿未知其自齊往與此皆以邑

為氏

焦氏

史記周武王封神農之後於焦今陝州東北百步焦城是也左傳曰虞虢焦滑皆姬姓也

為晉所滅子孫以國為氏漢有外黃令焦貢後漢

有焦儉親志有河東焦先吳志有會稽焦征羌

滑氏

周同姓舊云河南緱氏縣是緱氏今廢為鎮隸偃師其

國為晉所滅子孫以國為氏左傳鄭大夫滑羅漢有詹

事滑興望出京兆安陸宋朝登科
滑君俞濟州人滑延年邢州人
霍氏周文王第八子

晉州霍邑是其地閔元年
晉滅之子孫以國為氏
聘氏風俗通周文王第十子

聘季載文王第十
七子周有聘啓
邵氏周文王之子封於邵或又言第

成武有二部城是其地也晉有
高昌長部玖望出安定京兆
浩氏音告漢青州刺史

唐隰州刺史史浩聿狀云本部氏
因避難改為浩氏聿生虛舟
雍氏去聲舊云河內山

州脩武范曄云山陽有雍城文王第十三子雍伯受封
之國其後裔為雍氏又宋有雍氏姑姓也鄭有雍糾齊

有雍廩雍巫楚有雍子望出京兆平原宋政和登科雍
舟卿雍源並閭州人大觀雍觀復利州人政和雍垣鄭

州人紹興雍
朝瑛普州人
畢氏周文王第十五子畢公高始封於此
其子萬事晉乃封於魏居於畢者以

畢為氏今長安縣西有杜山又曰畢陌是其地也漢有
滕侯畢取本南越將軍生奉義宋朝宰相畢士安狀頭
畢漸又有出連氏
改為畢氏虜姓也
鄧氏周文王之子鄭侯之後或言第
在今永興鄧縣北三十里其後以國為
氏又有鄧舒宋朝登科鄧仲之嚴州人
邵氏周文王之
或言第十七子邵國故城在邠州三水東其後以國
為氏邵音荀一音環今有環音之氏而未聞荀者

臣謹按譜文王十七子然原邵二侯不在其列此譜

系之家失於記載原邵為文王之昭左氏見之甚明

邲氏

亦作成伯爵文王第五子邲叔武之所封或言武
王封季載於此其地在今濮州雷澤北三十里邲

國故城是也其後以國為氏或去邑為成氏與周之成
蒲公楚之成得臣同為一成宋朝登科成唐晉州人成

黼應天人成斯立蜀**盛氏**周之同姓國也後為齊所滅
人今三衛大尉成閔

云成降于齊師成者盛也以諱滅同姓故言成也又有
夷氏召公奭之後也蓋以名為氏後避漢元帝諱故改

夷氏為盛氏焉漢有司徒**盛于氏**即邾氏周武王之子
吉後漢有北海太守盛苞

璠云野王縣西北三十里有故邾城及邾臺野王隋改
曰河內今懷州治子孫以國為氏其後去邑但為于氏

亦有不去邑者後魏官氏志有萬紐氏改為于氏始有
自東海隨拓拔隣徙代改為萬紐于氏後魏孝文時復

為于氏又淳于氏唐元和**應氏**侯爵武王第四子今汝
初避憲宗嫌名改為于氏

初有隱者應曜居淮陽山與四皓俱被召時人語之曰
南山四皓不如淮陽一老元孫順後漢將作大匠望出

汝南**凡氏**周公第二子凡伯之後為周畿內諸侯棗嶽
潁川云凡在共縣西南今衛州城西南二十二里

有凡城皇甫謐謂凡氏
避秦亂添水為汎氏

臣謹按凡者周公之後為凡國汎者周大夫采邑也

自是兩家因知姓氏家有避地改姓之言多無足取

蔣氏

周公之第三子伯齡所封之國也杜預云弋陽期思縣是按期思宋改為樂安今光州仙居縣是也

漢有隱者蔣詡又有蔣期劉宋時有蔣泰靈興後封為蔣神

邢氏

侯爵周公之第四子受封於邢今邢

州治龍岡是其故地也僖二十五年衛滅之子孫以國為氏

茅氏

周公之後也今濟州金鄉是其地子

孫以國為氏又有茅戎即戎之別裔又邾大夫有茅地茅夷鴻泰有博士茅焦上書說始皇神仙傳有茅盈又

有茅氏兄弟三人隱句曲山成仙去
未知其為茅國之裔或別有茅邑也
胙氏 周公之後也今滑州胙城

是其國為南燕所并子孫以國為氏**作氏**風俗通周公之子胙侯子孫因避地改為作氏漢有涿郡太守

作**賈氏**伯爵康王封唐叔虞少子公明於此同州有賈城即其地或言河東臨汾有賈鄉是也為晉所

滅子孫以國為氏又晉既并賈遂以為邑故晉之公族狐偃之子射姑食邑於賈謂之賈季其後則以邑為氏

芮氏伯爵周同姓之國司徒芮伯之後也其後有芮伯萬其地即陝州芮城為晉所滅齊景公妾曰芮姬

隨氏侯爵今隨州是其地楚滅之子孫以國為氏又杜伯之元孫為晉大夫食采於隨曰隨會子孫以邑

為氏至隋以周齊不遑寧處故去走作隋搜神記隨侯行野見蛇傷乃傳之藥蛇報以明珠所謂隨侯之珠是

也未知隨侯**胡氏**子爵其地在今潁州汝陰西二里胡城是也定十五年楚滅之其後以國

為氏或云胡公滿封於陳其後亦為胡氏又樂**巴氏**子陵之胡賜姓李又河南之胡改紇骨氏為胡也

世本云巴子國子孫以國為氏其地杜預云巴郡江州縣按江州隋改江津今隸渝州漢有太常巴茂後漢黨錮傳有巴肅又有揚州刺史巴祗以清貧著名

巴氏

巴開牙切字亦作爬本巴氏東樓公之後後漢靈帝

時巴康避董卓難改為把氏

遂氏

子爵莊十三年齊滅之其地在濟州鉅野或言燧人氏之後非也

頃氏

子爵頃子牂之國也今陳州南頓即其地定十四年楚滅之子孫以國為氏魏志華佗傳有督郵頃

子獻漢有頃肅為邵陽長望出魏郡宋世登科有頃起頃建皆蔡州人

道氏

姬姓之國今蔡州確山西

南有故道城疑為楚所并子孫以國為氏楚有大夫道朔宋世有登科道大亨常州人

邠氏

亦作

苑云周太王居邠因氏焉

臣謹按太王去邠去岐其族屬留于邠者為邠氏

耿氏

姬姓商時侯國閔元年為晉所滅今河中龍門縣南十二里故耿城是尚書祖乙圮于耿是此地也

岑氏

呂氏春秋云周文王封異母弟耀之子渠為岑子其地梁國岑亭是也子孫以國為氏宋有岑平岑

頓登科元祐有岑穰濟州人

彤氏

出於彤伯周同姓之國為成王宗伯

彤氏

本彤氏避仇改為彤

周異姓國

齊氏

姜姓四嶽之苗裔也與申呂許皆姜姓四嶽佐禹有功或封於申或封於呂故太公謂之呂望文王

得於渭濱以為太師股肱周室相武王克商封於營邱即今臨淄縣是也或云營邱故城在濰州昌樂其地本顯帝之墟晏子曰昔爽鳩氏始居於此季荊因之逢伯陵因之蒲姑氏因之而後太公因之又管仲曰昔召康公命我先君太公曰五侯九伯汝實征之以夾輔周室賜我先君履東至于海西至于河南至于穆陵北至于

無隸僖公九年魯隱公之元年也簡公四年獲麟之歲也凡二十九世為彊臣田氏所篡子孫以國為氏又衛大夫齊子以字為氏戰國時有齊明周人也漢有光祿大夫齊晉功臣表平恭侯齊受傳封四代晉有齊恭注漢書前涼將軍齊難**楚氏**羊姓始居於丹陽今江陵枝江肅後涼僕射齊難是也後遷于郢今江陵縣北有舊郢城本國號荆遷郢始改楚又遷于郢今襄陽宜城西南有郢亭山後遷于壽春今之壽春府也楚之先出顓帝高陽氏曰重黎為帝嘗火正使伐共工氏不克事帝誅之而以其弟吳回為重黎後復居火正為祝融吳回生陸終陸終生季連季連之苗裔曰鬻熊為文王師及成王舉文王之勞臣封其曾孫熊繹居丹陽國號荆今江陵枝江是其故地熊繹與周公之子伯禽康叔之子牟晉侯之子燮太公之子呂伋俱事成王然世以名稱皆無爵號至熊達始盛彊十九年則魯隱公之元年也三十五年伐隨使隨人為請於周以尊爵號王室不

聽三十七年熊達怒曰吾先君鬻熊文王師也不幸早
世成王舉我先君錫以子男之田令居楚蠻夷率服而
王不加位我自尊耳乃自立為武王始開濮地而有之
武王卒子文王立始都郢改號楚今江陵縣北舊郢城
是也文王卒子成王立結舊好於諸侯使人獻天子天
子錫之胙曰鎮爾南服使夷越之亂無侵中國於是開
地千里三十九年滅夔以不祀祀融與鬻熊故也靈王
之七年築章華臺內亡人實之共王有寵子五人無適
立乃望祭羣神而決之陰與巴姬謀而埋璧於室內召
五子齊而入康王跨之靈王肘加馬子比子皙皆遠之
平王幼抱而入再拜皆壓紐故康王以長立至其子失
之國為靈王及身而弑四子皆無後惟平王續楚祀昭
王十年冬伍子胥復父兄之仇相吳王闔閭以伐楚入
郢焚平王之墓十二年吳復伐楚楚去郢北徙都郡今
襄陽宜城西南有都亭山是其地懷王三十年秦昭王
詐遣懷王書欲親結盟于武關既至伏兵劫懷王而西

至咸陽朝章臺如蕃臣不與亢禮楚人立太子橫為項
襄王二年懷王卒于秦秦歸其喪楚人哀之考烈王二
十二年秦王政立楚與諸侯共伐秦不利東徙壽春命
曰郢王負芻五年秦將王翦蒙武破楚虜王負芻滅之
為楚郡凡四十五世其後以國為氏魯有楚邱又有林
楚是楚邱者必林楚之後以名為氏者又趙襄子之家
臣有楚隆者又古有賢者楚老宋有曉衛上
將軍楚公輔望出江陵祥符登科有楚咸

臣謹按陸終氏娶鬼方之女孕而不育十一年開其
左脇而出三人焉又開其右脇而出三人焉長曰昆
吾名樊為己姓封於衛墟次曰參胡董姓封於韓墟
周時為胡國楚滅之三曰彭祖名翦彭姓封於韓大

彭之墟即彭城也四曰會人姁姓封於鄭墟五曰安
曹姓封於邾之墟六曰季連芊姓其後為楚昆吾氏
為夏伯湯伐桀滅之彭祖氏為商伯商之末世始亡
按干寶之論曰先儒多疑此事譙周作古史考以為
妄記廢而不論然六子之世子孫有國數千年間迭
為伯王天將興之必有尤物若夫前志所傳修己背
圻而生禹簡狄胷圻而生契歷代久遠莫足相證近
魏黃初五年汝南屈雍妻王氏生男從右脇下水腹

上出而平和自若數月創合母子無恙

臣按浮屠氏稱釋迦生於摩邪夫人之右脇亦此理也其徒信之而不疑何學者之疑陸終氏之事近莆田尉舍之左有市人之妻生男從股髀間出亦能創合母子無他此又足以明屈雍之事不誣

臣又按以王父字為氏者古之道也然亦有以名為氏者楚以鬻熊之故世稱熊氏女子則稱芊焉楚國亡於秦漢之世是時姓氏之道泯矣故楚以熊著而

楚族無聞

宋氏

庚子姓商之裔也武王克商封紂子武庚以紹商武庚與管蔡作亂成王誅之立紂庶兄微子啓為宋

公以備三恪都商邱杜預云梁國睢陽是也按睢陽隋改為宋城今南京治本陶唐氏火正閼伯之墟以其主火故又為大辰之墟杞宋二國皆公爵於周為客得用其先王禮樂微子卒立其弟衍是為微仲至穆公十二世穆公之七年魯隱公之元年也穆公以宣公舍其子而立已不敢忘宣公而立其子殤公與夷自殤公至景公十二世獲麟之歲也凡三十一世至宋君偃自立為王東敗齊取五城南敗楚取地三百里西敗魏乃與齊魏為敵國盛血以韋囊揭而射之曰射天於是諸侯目之為桀宋齊湣王與魏楚滅之而三分其地荆氏芊姓楚國舊號荆北未號楚之前受氏也燕有陳氏姓荆氏望出廣陵宋朝太平興國登科有荆伯玠

初封虞城今應天府之縣也後封於遂今濟州鉅野後
封於陳今陳州治宛邱縣是也本太昊伏羲氏之墟舜
傳天下於禹禹封舜之子商均於虞城周武王克商乃
求舜後以備三恪得胡公滿封之於陳以奉舜祀或曰
當周之興有虞遇父者為周陶正武王賴其器用妻以
元女太姬生子滿而封於陳以奉舜祀滿號胡公徃往
以領胡之故而得此號成公元年楚王為夏徵舒弑靈
公遂率諸侯伐陳謂陳人曰無恐吾誅徵舒而已而
縣陳羣臣皆賀申叔時不賀王問其故曰鄙語有之牽
牛以蹊人之田田主奪之牛蹊則有罪矣而奪之牛不
亦甚乎今君徵兵諸侯以討不義已而取之以利其地
何以令於天下是以不賀王曰善乃迎陳靈公太子午
於晉而立之是為成公孔子讀史記至楚復陳曰賢矣
哉楚莊王輕千乘之國而重一言哀公三十四年司徒
招作亂楚靈王使公子棄疾帥師圍陳滅之使棄疾為
陳公晉平公問太史趙曰陳遂亡乎對曰陳顯帝之族

自暮至于替腹無違命舜重之以明德寘德於遂蓋商之興也存舜之後而封於遂世世守之及胡公不淫故周賜之姓以舜居媯汭故姓之曰媯而祀虞帝且盛德必百世祀虞之世末也五歲棄疾弑靈王而自立是為平王欽和諸侯乃求陳悼太子偃師之子吳立為陳侯是為惠公湣公二十二年獲麟之歲也二十四年楚惠王使子西之子公孫朝伐陳而滅之子孫以國為氏又廣陵之陳實劉氏魯相無子以外孫劉矯嗣河南官氏志云侯莫陳之後亦改為陳氏又白永貴隋初改為陳氏是為萬年之陳也

臣謹按陳媯姓也然伍員曰夏少康為有仍牧正逃奔有虞虞思妻之以二姚是則又為姚姓也蓋媯姓始於周姚姓自夏有之然則堯妻舜以二女而賜之

姓者賜以姚也。謂為媯誤矣。自夏之前為虞國。至商為遂國。未知虞之存於商否。然至周則遂虞皆為姬姓國矣。而封胡公於陳。自是陳稱媯。不復言姚矣。

趙氏

嬴姓與秦同祖。少皞之後。皆祖皋陶。皋陶十世曰蜚廉。蜚廉二子。一曰惡來。惡來之後。為秦。二曰季

勝。季勝生孟增。得幸於周成王。是為宅。畢狼。畢狼生衡父。衡父生造父。為周穆王御。穆王賜以趙城。為趙氏。趙城今晉州。縣造父六世曰奄父。為周宣王御。奄父生叔帶。幽王無道。去周如晉。為晉文侯御。始建趙氏于晉。叔帶五世曰夙。晉獻公賜之耿。夙生共孟。共孟生哀。事文公。為原大夫。衰生盾。為晉正卿。盾生朔。景公三年。晉人攻滅趙氏。朔有子曰武。韓厥言於公。更立之。後亦相。晉是為文子。文子之孫曰簡子。鞅。簡子卒。子襄子毋恤立。

母恤傳位於其兄伯魯之孫浣為獻侯獻侯居中牟其地在漯水之北獻侯卒子烈侯籍立周命籍與韓魏並為諸侯烈侯卒弟武公立武公卒烈侯太子章立為敬侯敬侯始都邯鄲邯鄲今磁州縣十一年晉亡韓趙魏三分其地敬侯生成侯種成侯生肅侯肅侯生武靈王武靈王傳國於子何為惠文王惠文王卒太子丹立為孝成王孝成王生悼襄王偃悼襄王生幽穆王遷秦併六國滅邯鄲遷兄嘉立為代王秦復滅之自襄子已下六侯四王凡十一世秦併代使嘉子公輔主西戎世居天水其趙宗散處者皆以國為氏居涿郡者後有天下

田氏 即陳氏陳厲公子完字敬仲陳宣公殺其太子榿寇敬仲懼禍奔齊遂匿其氏為田陳田聲近故也

應劭云始食采地然齊無田邑至田和塞齊為諸侯九世至王建為秦所滅建弟假及田儋儋子市儋從兄榮榮弟橫弟子廣項羽時並裂地稱王旋皆破滅漢興諸田並徙陽陵後又徙北平又田都田角田間亦田氏之

族也漢興徙關中春秋時晉有田蕪宋有田景齊有田巴漢有魯相田叔太尉田蚡丞相田千秋大鴻臚田廣明大司農田延年魏議郎田疇皆敬仲之苗裔也後周田弘為大司空鴈門郡公賜姓紇于氏宋世有田况為樞密許氏姜姓與齊同祖炎帝之後堯四嶽伯夷之子也密許氏周武王封其苗裔文叔於許以為太嶽後今許州是也靈公遷于葉悼公遷于城父又遷于白羽許男斯遷于容城自文叔至莊公十一世始見春秋元公子結元年獲麟之歲也至戰國時為楚所滅昭十九年許悼公廕飲太子止之藥卒太子奔晉定六年鄭游速帥師滅許以許男斯歸哀元年楚子許男圍蔡杜預注曰此蓋楚之封也哀十三年許男成卒秋葬許元公晉有許偃楚有許伯鄭有許瑕皆以莒氏嬴姓少昊之後也失國不能庇其本枝故適他國莒氏周武王封茲與其於莒今密州莒縣是也世本曰自紀公已下為已姓鄭語曰曹姓鄒莒以為陸終第五子曰安之後未知孰是

十一世茲丕公始見春秋共公以下微弱不復見矣四世楚滅之按史記當楚惠王時越滅吳而不能正江淮北楚東侵廣地至泗上而滅莒矣子孫以國為氏楚有大夫莒伯漢有緄氏令莒誦邾氏孫陸終第五子曰安賜姓為曹其子孫亦以姓為氏周武王時封安之苗裔曰邾挾為附庸居於邾今兗州仙源東南四十里古邾城是也挾以下至儀父名字始見春秋齊桓公霸儀父附從進爵稱子十四代孫文公徙于繹今兗州鄒縣北嶧山是也邾自桓公革以下春秋後八世而楚滅之又小邾國亦出邾挾之後姓曹其子孫亦以姓為氏挾七世孫夷父顏有功於周其子友別封為附庸居邾曾孫黎邾始見春秋附從齊桓以尊周室命為小邾子晉志云蕃縣古小邾國按蕃縣隋改曰滕今隸沂州縣之東南邾城是樂史云邾城在承縣自小邾子穆公之孫惠公以下春秋後六世而楚滅之

朱氏

本邾也姓曹其世系見於邾邾既失國子孫去邑以

朱為氏其後盛大者有沛國丹陽永城吳郡錢塘義陽
丹陽太康河南之九族顯於漢唐間又有渴燭潭可朱
潭並改為朱氏代姓
婁氏 子孫或以婁為氏或以婁為國
也則為河南之族
為氏陸終產六子其第五子曰安賜姓為曹邾即安之
後挾安之裔曰邾挾周初受封為附庸挾之後不得其
名字十二世至儀父始通于大國魯隱公之元年與隱
公盟于姑蔑其後為楚所滅齊大夫婁裡其後也又有
足婁氏改為婁代姓也宋朝登科婁理婁兩
婁汝勵並臨江軍人察院婁寅亮温州人
邠氏 即小
邠也邠挾七世孫夷父顏有功於周次子友父別封附
庸為小邠國以居邠故又稱邠國今沂州滕縣東南邠
城是也樂史云邠城在承縣或云邠武公封
次子于邠是為小邠後失國子孫為邠氏
兒氏 即邠
或省文作兒兒良六國時人見呂氏春秋漢有御史大
夫兒寬受業於孔安國家貧賃作帶經而鋤寬千乘人

又賀兒氏
代姓也

倪氏

即鄉氏也避仇改為倪漢有揚州刺史倪謫唐有刑部郎中倪若水中山葉城

人

杞氏

求禹後得東樓公而封之於杞今東京雍邱縣

即杞故城九世及成公遷于緣陵今濰州營邱是也文公居淳于今密州高密有故淳于城是也成公始見春

秋黜為伯桓公用夷禮黜為子僖公子緡公六年獲麟之歲也緡公弟哀公三年春秋之傳終矣自哀公以下

二世十三年而楚滅之凡二十世子孫以國為氏又樓杞康漢末時避董卓難改姓抱北史有抱嶷抱老壽

氏

亦為東樓氏如姓夏少康之後周封杞東樓公支孫以樓為氏城陽諸縣有婁鄉是其地秦有相樓緩漢

有大尚書樓理又越氏

越氏

姓實夏后氏之苗裔少康之庶

子封於會稽以奉禹之祀文身斷髮披草萊而邑焉自號於越於越者夷言發聲也其地今越州城是也濱在

南海不與中國通後二十餘世至於允常魯定公五年
始伐吳允常卒子勾踐立是為越王越王元年魯定公
十四年也哀公二十二年勾踐滅吳霸中國自勾踐七
世下至王無疆為楚所破殺無疆盡取吳地至浙江越
以此潰散諸族子爭立或為王或為君濱於江南海上
服朝於楚後七世至閩君搖佐諸侯平秦漢高帝復以
搖為越王以奉越後東越閩君皆其後也又河南官氏
志有越疆氏改為越氏又後秦錄有北梁州刺史越質
詰歸三字代姓紀氏炎帝之後侯爵姜姓莊四年齊滅
也亦改為越氏紀氏之杜預云東莞劇縣按紀訛為劇
在青邱臨朐縣東壽光縣西故魯連曰朐劇之人辨漢
有紀信弟成生通封襄平侯宋朝登科有紀瑛紀元規
息氏亦作鄧侯爵媯姓今蔡州新息縣是鄧氏曼姓商
莊十四年楚滅之子孫以國為氏
其地今襄陽鄧城是也春秋時鄧侯吾離朝魯莊十六
年楚文王滅之子孫以國為氏又鄭有鄧析復為一氏

梁氏

羸姓伯爵伯益之後秦仲有功周平王封其少子康於夏陽梁山夏陽今為同州縣獨有新里城新

里梁伯所城者樂史云新里在澄城僖十九年秦取之子孫以國為氏晉有梁益梁弘梁由靡以晉有解梁城高梁曲梁之地此則以邑命氏者薛氏任姓黃帝之孫又有拔列蘭氏改為梁氏代姓也薛氏顓帝少子陽封於任故以為姓十二世孫奚仲為夏車正禹封為薛侯奚仲遷于邳十二世孫仲虺為湯左相復居薛舊云魯國薛縣今徐州有薛城在滕縣東南五十里是也臣扈祖已昏仲虺之胄也祖已七世孫曰成徙國於摯更號摯國女大任生周文王至武王克商復封為薛侯隱十一年滕薛爭長齊桓之霸也薛侯不從然為伯獻公始與諸侯盟杜預云小國無紀世次不盡知也然唐世系表自吟至懿侯弘為楚所滅凡二十一世父子相傳其語無所經見只本人家譜籍無足信也今但從杜氏所紀而不得其世次者也自仲虺為諸侯歷三代凡六十

四世至愍侯弘為齊所滅公子登仕楚懷王賜沛邑為大夫遂以國為氏或言登隱於博徒號薛公者曾孫倪為楚令尹生翁翁生鑒漢初獻策滅黔而封千戶侯元孫廣德御史大夫生饒長沙太守生愿淮陽太守因徙居焉愿孫漢為後漢千乘太守漢生彪司徒祭酒彪生侍御史安期六代孫蘭為曹操所害生永遂依蜀先主官至蜀郡太守生齊為巴蜀郡太守歸晉為光祿大夫河東太守子孫因家汾陰世號蜀薛二子懿始又河南官氏志云叱于氏改為薛代北姓也又遼西薛氏本東北蕃又姓苑云東莞蘗氏本姓薛氏避仇改為蘗氏

臣謹按薛氏血脉譜文王曹夫人姜氏見赤龍交而

孕十二月生子手把薛字因氏為薛乃知譜牒家言

多無足取者

蕭氏

子姓杜預曰古之蕭國也其地即徐州蕭縣是也後為宋所并微子之文孫大心平南宮長萬有功

封於蕭以為附庸宣十二年楚滅之子孫因以為氏世居豐沛之間裔孫不疑為楚相春申君客漢有丞相鄭

文終侯何六代孫望之御史大夫又齊沈氏春秋有沈武帝以巴東王子讐叛改姓為蛸氏

沈氏

似姓子爵春秋有沈

子逞沈子嘉定四年蔡滅之其地杜預云汝南平輿縣沈亭按平輿故城在蔡州汝陽縣東北沈國也子孫以

國為氏又楚有沈邑楚莊王之子公子貞封於沈鹿故為沈氏其地在今潁州沈邱襄五年楚子囊為令尹昭

二十三年子囊孫瓦為令尹定四年吳楚戰于柏舉楚師敗績囊瓦奔鄭宣十二年楚子北師次于郢沈尹將

中軍襄二十四年舒鳩人叛楚楚使沈尹壽讓之昭四年吳伐楚入棘櫟麻五年沈尹射待命于巢良十七年

王與葉公枚卜子良以為令尹沈尹朱曰吉過於其志

臣謹按唐表云沈氏出自姬姓周文王第十子聃叔季字子揖食采於沈成八年為晉所滅沈子生逞字循之奔楚遂為沈氏生嘉字惟良二子尹丙尹戊尹戊字仲達奔楚隱於零山為楚左司馬生諸梁據春秋釋例沈國今言食采則邑耳又釋例所記沈子揖沈子嘉沈子逞皆本春秋今唐表言聃季字子揖何所本也逞字循之嘉字惟良此皆野書之言無足取也

曾氏

亦作鄆亦作繒似姓子爵今沂州承縣東八十里故鄆城是也夏少康封其少子曲烈于鄆襄六年

莒滅之鄆太子巫仕魯去邑為會氏見世本巫生阜阜生哲哲生參字子與父子並仲尼弟子參生元申裔孫

偉後漢尚書

徐氏

伯益佐禹有功封其子若木於徐在

今徐城縣北三十里徐城并入臨淮今泗州臨淮有徐城自若木至偃王三十二世為周所滅復封其子宗為

徐子宗十一世孫章羽昭三十年為吳所滅子

邳氏

亦作

孫以國為氏又一族出於嬴氏十四姓之一也邳氏作

姁亦作邳又去邑作云嬴姓子爵祝融之後封於羅號姁子見國語其地在今安州雲夢縣猶有邳公廟焉漢

有云敞為諫議大夫與梅福同傳又吳有邳氏子爵風邳邑今泰州海陵是又有牒云氏改為云邳氏姓一云

邳姓杜氏謂琅邪開陽縣即其地按開陽城在臨沂北十五里又夏禹之後為禹氏故此邳氏者往往去邑作

禹

宿氏

風姓伏羲之後武王封之使主太昊與濟水之祀宋人遷之不復見左傳云任宿須句顓臾風

姓杜預云宿國在東平無鹽縣無鹽故城在鄆州須城

東三十六里子孫以國為氏後漢有宿仲諱又有宿六

斤氏故為宿氏宋朝

羅氏

子爵熊姓一曰祝融之後姁

有宿千之舉進士

姓初封宜城徙枝江為楚所

滅周末居長沙漢有梁相羅懷襄陽記有羅象又郢公

德萬賜姓李氏又叱羅氏改為羅氏五代有羅紹威望

出豫章

夔氏

子爵羊姓楚君熊摯之後今歸州東二十

長沙

以國為氏又天竺亦有夔氏

臣謹按傳言夔之先楚鬻熊之嫡嗣有疾不得代而

別封於夔為楚附庸其後為夔子然據夔氏譜則鬻

熊十世而後有夔子未知孰是

淳于氏

亦曰州公姜姓風俗通曰春秋時之小國也桓五年不復其國子孫以國為氏唐元和初避憲

宗嫌名改為于氏其地本在密州高密為杞所并遷江南杜預云南郡華容縣是也華容今荆南府監利縣宋

皇祐登科淳于復登州夷氏邳姓春秋夷詭諸之裔杜人又淳于興宗南劍人夷氏預云在城陽莊武縣所治

夷安縣是其地子孫以國為氏又逸民夷逸齊大夫夷仲年之後邾大夫夷射姑皆以字為氏穀氏

伯爵春秋穀伯綏之裔也今襄陽穀城縣西北五里故穀城是也子孫以國為氏漢有穀思為魯相舒氏

亦曰舒鳩氏子爵偃姓畢陶之後也舒子平僖三年為徐所滅其後復立襄二十一年舒鳩子為楚所滅子孫

以國為氏今廬州舒城本舊名也其地在楚徐之間故為二國所滅或言舒之種類多舒子平與舒鳩子自是

二國故舒城西有龍舒或曰舒有五名一曰舒二舒蓼

曰蓼舒三曰舒蓼四曰舒庸五曰舒鳩望出鉅鹿舒蓼

世本舒蓼偃姓皋陶之後楚東舒鮑氏世本舒鮑偃

公大夫有須句氏子爵風姓太昊之後也鄆州壽張縣

舒鮑無終須句氏西須胸城是其國子孫即以國為氏

或有密須國其後亦為須氏今涇州靈臺是其國也

氏祁姓子爵或言嬴姓少昊之後春秋時鄭子朝魯能

談氏即鄭也亦作談六國時有談生蜀錄有征東將軍

平登科談堯叟紹興有談誼廣德人黎氏字亦作犁子姓侯爵商時諸侯

戲黎亦見毛詩今潞州黎城縣有黎侯故城是其地又

齊有大夫黎彌黎且者即齊之黎邑也此以邑命氏者

又有素嵇氏改為黎代姓也宋朝黎威為安南節度嘉祐登科黎上行益州人黎仲吉州人今嶺南多此姓

申氏

伯爵姜姓炎帝四嶽之後封於申號申伯周宣王元舅也今信陽軍乃唐申州即其國也子孫以國

為氏後為楚之邑申公居之又為申氏是以邑為氏也魯有申豐鄭有申侯齊有申蒯韓有申不害著書漢有申廵石趙有申鍾為司徒宋慶歷登**章氏**即鄆國之後科申顗信州人政和申好問鄆州人**章氏**也姜姓齊太公支孫封於鄆為紀附庸之國今密州有古鄆城為齊所滅子孫去邑為章氏齊威王將有章子秦將有章邯字少榮收趙滅韓有**向氏**祁姓附庸之國今沂州古向功封雍王望出豫章**向氏**域是也子孫以國為氏又宋桓公之後公子矜字向父其後以字為氏哀十四年向魍奔衛向巢來奔司馬牛適齊卒于魯郭門之外

臣謹按公子矜字向父其義音響與晉叔向名字同

音今以為氏而音餉疑古人讀盼向之向有響餉二

音也

葛氏

伯爵羸姓夏時諸侯今許州郾城北三十里有葛伯城即其地也子孫以國為氏又風俗通云葛天

氏之裔又賀葛氏改為葛氏虜姓也漢有潁川太守葛興後漢有汾陰令葛龔有文集七卷 **諸葛氏**

本葛氏夏商諸侯葛伯之後英賢傳云舊居琅邪諸縣後徙陽都時人謂之諸葛因以為氏焉風俗通云葛嬰

為陳涉將軍有功非罪而誅漢文追封其孫為諸侯因以為氏世本云有熊氏之後為詹葛氏齊人語訛以詹

葛為 **蓼氏** 偃姓皋陶之後文五年楚滅之今壽州霍邱即其地也子孫以國為氏 **黃氏** 羸姓

陸終之後受封於黃今光州定城西十二里有黃國故城在楚興國也僖十二年為楚所滅子孫以國為氏亦

嬴姓十四氏之一也
權氏 羊姓 顓帝之後 唐表云子姓
楚有春申君黃歇也 商武丁之裔 杜預云南郡當

陽東南有權城 當陽隸荆門軍 今其地名權口 楚武王
滅權子孫為權氏 或云楚武王使闞緡尹權 因為氏

秦滅楚 遷大姓於
江氏 舊云汝南安陽縣江亭 按此在
隴西 因居天水 信陽縣之東南 新息縣之西安

陽故城是也 嬴姓之國 顓帝元孫伯益
顓臾氏 風姓 伏
之後也 文四年 楚滅之 子孫以國為氏 義氏之

後魯附庸國 主東蒙及濟水之祀 任宿須句 顓臾四國
近濟水 故祀濟 舊有顓臾縣 隨省入費縣 今潁沂州故

顓臾城在費西北八十里 子孫以國為氏 或去顓為臾
氏 晉大夫臾駢是其族 或去臾為顓氏 及顓帝支孫亦

為顓氏 陳大夫顓孫仲尼弟子有顓孫師
鄒氏 房姓 即
字子張 神仙傳有太元女顓和顓 或作敝 鄒氏 鄒仲之

國本祝融之墟 在溱洧之間 為鄭武公所并 遂為新鄭
今新鄭縣東北三十五里有古鄒城是也 子孫以國為

氏宋朝有鄒士隆登進士第又有鄒唐越州人或去邑為會氏又風俗通云陸終之子會乙之後邳姓有武陽

炳令會英氏江偃姓皋陶之後以國為氏漢有英布為九六

氏偃姓皋陶之後文五年楚滅之今盧江故六城是也子孫以國為氏辛氏封支子于莘

亦曰有莘氏後世以國為氏宋朝辛氏即莘氏也莘辛

莘融舉進士錢塘人望出天水辛氏聲相近遂為辛

氏周太史辛甲文王封之於長子有辛俞美為昭王友泰有將軍辛騰家中山苦陘會孫蒲漢初以豪族徙隴

西狄道又有項亶賜姓辛氏又計然本辛謝氏姜姓炎氏改為計氏宋朝有辛仲甫為太子少傅謝氏帝之裔

申伯以周宣王舅受封於謝今兗州龔邱縣謝城是也後失爵以國為氏焉魯有謝息漢有謝弘謝弼謝該

射氏

三輔決錄云後漢末鴻臚謝服天子以為將軍出征姓謝名服不祥改姓射名咸咸子登授登蜀郡

太守援中郎將
又吳有射慈
偏陽氏
言之姓祝融之孫陸終第四子求

有偏**封氏**
姜姓炎帝裔孫鉅為黃帝師胙土命氏至夏
陽氏后氏之世封父列為諸侯今開封府封邱有

封父亭即封父所都之地至周失國子孫為齊大夫遂
居渤海蓆縣裔孫岌後漢侍中涼州刺史又有賁氏改

為封氏代姓也望出武陵宋元符登
科有封廣大觀登科有封祥懷州人**呂氏**
姜姓侯爵炎

夏之際受封為諸侯或言伯夷佐禹有功封於呂今蔡
州新蔡即其地也歷夏商不墜至周穆王呂侯入為司

寇或言宣王時改呂為甫然呂甫聲相近未必改也故
又有甫氏出焉呂望相武王呂姜為衛莊公妃其時呂

國猶存故也呂望封齊之後本國微弱為宋所并故宋
有呂封人樂懼呂封人華豹又晉有呂氏出於魏氏未

知其以字以邑與漢有單父呂公女為高帝后
封臨泗侯又後魏有比邱氏改為呂氏代姓也**仇吾氏**

韓子云仇吾國為智伯
所滅因氏焉或作仇繇
祝氏已姓黃帝之裔于祝祝阿祝邱
是其地祝因氏焉鄭有祝
賄衛有祝鮀祝龜或
云祝史之後以官為氏
又有叱盧氏改為祝氏

周不得姓之國

萊氏

子爵其俗夷故亦謂之萊夷今登州黃縣東南二
十五里有故黃城是萊子國襄六年齊滅之子孫

以國為氏晉有大
夫萊駒漢有萊章賴氏子爵今蔡州寢信有賴亭即其

國為氏漢有交趾太守賴先蜀有零陵太守賴文唐有
光祿大夫賴文雅宋初有畫工賴祚又有賴克紹登進

士第望出南譚氏子爵莊十年齊滅之今齊州歷城有
康頴川河南譚氏古譚城子孫以國為氏急就章漢有

譚氏平定巴南六姓有覃氏本譚或去言為覃梁有東南
譚氏盤瓠之後也覃氏寧州刺史覃興克又音尋今

嶺南多此姓焉宋登

弦氏

江黃道栢之姻杜預云在弋陽歙縣東南按古歙城今在

光州仙居北四十里僖五年楚滅之子孫以國為氏又鄭有商人弦高齊有大夫弦多弦施漢有博士弦訢

戴氏

開封封邱縣戴城是其國隱十年鄭人伐取之或云舊考城縣是為宋人所滅改名穀城子孫以國

為氏又宋戴公之後亦為戴氏是以諡為氏者漢有信都太傅戴德九江太守戴聖子父修禮記後漢有司徒戴涉戴良戴憑戴就晉有戴逵南史有戴顓戴法興戴僧靜宋世有戴興為定武軍節度使望出廣陵清河

戴氏

疑即戴之後也漢有戴**項氏**或言姬姓之國故城戴宋太平登科有戴永**項氏**在陳州項城縣東北

一里為齊所滅子孫以國為氏項橐八歲孔子師之又漢賜姓劉氏周賜姓辛氏望出遼西

暴氏

音一

暴暴公周卿士見毛詩風俗通暴辛公周諸侯也秦有將軍暴薦漢御史大夫暴勝之字公子河東人後魏有

暴顯魏郡人也

陽氏

其國近齊閔二年齊人遷之子孫以國為氏或言周景王封少子於陽樊而以為陽

國誤矣陽樊周畿內之邑晉有陽處父魯有陽氏楚有陽氏芊姓

冀氏

左傳冀國今晉州冀氏縣也子

孫以國為氏晉滅冀為卻氏食邑冀萬之子孫以邑為氏宋朝冀膺登進士第井州人望出渤海

牟氏

風俗通云牟子國祝融之後望出鉅鹿宋登科牟景先陳州人牟冲陵井監人牟企吉州人牟莘起梓州人又

蜀有牟氏善畫鷄

郭氏

魯附庸國成六年魯取之子孫以國為氏去邑作專又作鱣刺客專諸亦作鱣

諸即其裔也

鬲氏

即有鬲之國今德州平原有故鬲城在子孫以國為氏又商有賢人曰膠鬲子孫以

名為氏

巢氏

有巢氏之後堯時有巢父夏商有巢國其地在廬江子孫以國為氏左傳吳有巢牛臣後

漢有司空巢堪又巢元方著病源望出彭城宋朝登科有巢安上眉州人

柏氏

子爵風俗通柏皇氏之裔

又柏亮父顓帝師柏招帝醫師柏景為周太僕柏國在今蔡州西平縣為楚所滅子孫以國為氏漢有柏英為大鴻臚魏大將軍柏直晉
宣帝柏夫人生趙王倫
軫氏左傳軫國在楚之東楚屈瑕將盟貳軫注云二國也
絞氏左傳絞國在隨唐之南漢光武時山陽盜也
或言姬姓左傳楚屈瑕將盟貳軫並小國也貳國在隨州南

夏商以前國

程氏

伯爵風姓重黎之後也重為火正裔孫封於程洛陽上有程聚即其地也至周宣王時程伯休父失

其官守以諸侯入為王司馬又晉有程鄭程嬰漢有程不識魏有程昱吳有程普宋朝自開國之始年有程浩然登科自是程
崇氏商時侯國也其地在今永興鄆縣東崇侯虎不道周文王滅之子孫氏世有人焉

以國為氏唐開元登科有崇穎

扈氏

如姓夏時諸侯也

宋朝登進士第崇大年吳郡人

扈氏夏為扈商為崇扈

秦改為鄠今永興鄠縣北二十里有故扈城國亡子孫

以國為氏漢有將軍扈輒又上郡太守扈育廣漢太守

扈商又有扈地于氏改為扈此扈姓也宋朝有扈蒙為

尚書元豐登科扈垣大名人政和扈瑜河南人宣和有

扈房氏

姓奔封堯子丹朱於房今蔡州遂平故吳房

丹朱生陵後世國絕子孫以國為氏陵三十五世孫鐘

周昭王時食采於靈壽生沈十二世孫漢常山太守雅

徙清河繹幕又屋引

杜氏

杜氏

亦曰唐杜氏祁姓帝堯之後

氏改為房虜姓也

累以能授龍事孔甲故在夏為御龍氏在商為豕韋氏

在周為唐杜氏成王滅唐而封叔虞乃遷唐氏於杜是

為杜伯今永興長安縣南十里有下杜猶有杜伯冢在

至宣王滅其國以為大夫杜伯無罪被殺子孫分適諸

侯居杜城者為杜氏在魯有杜洩避季平子之難奔於楚生大夫綽又後魏有獨孤渾氏改為杜氏代北姓之

杜箕氏

子姓箕子之國商畿內諸侯杜預云太原陽邑縣南有箕陽邑隋改曰大谷今隸太原武王克

商改封箕子於朝鮮其地後為晉密須氏世本商時姑邑漢有西華令箕堪臧荼相箕肆

密須氏

姓之國今涇

州靈臺有密康公墓或云涇州保定有陰密城是也子孫以國為氏或去密為須氏魏有須賈漢有須無或去須為密氏仲尼

寒氏

夏時諸侯寒浞之後或言周武王弟子密不齊

周無寒國今維州東二十三里寒過氏夏時諸侯澆之亭是也其後以國為氏望出尋陽

過氏

國也亦曰有過

氏少康滅之今萊州掖縣北有過鄉子孫以國為氏漢有兗州刺史過急急就章有過說宋朝有尚書郎過鮑登科有過胡急建昌

庸氏

商時侯國周武王時來助伐人又過勸望出高平

上庸城是文十六年楚滅之子孫以
國為氏漢有庸光又有膠東庸生
戈氏夏時諸侯獯

滅之其地在宋鄭之
間子孫以國為氏
邾氏王伐紂分其地為三監自紂

城而東謂之邾漕邾地也封紂子武庚於此以霍叔尹
之及三監叛周公伐之而并其地為衛邾國往往自此

亡矣子孫
鄆氏即商都之地武王伐紂分其地為三監
以國為氏
鄆氏自紂城而南謂之鄆楚邱鄆地也管叔

尹之及三監叛周公伐之而并其地為
衛鄆國往往自此絕矣子孫以國為氏
鑄氏風俗通鑄

子譜云姬姓杜預云濟北蛇邱縣按蛇邱後為乘
邱唐省入鉅野今濟州治左傳臧宣叔娶於鑄氏
邳氏

符悲切風俗通云奚仲為夏車正自薛封邳今泗州故
下邳郡即其地也公子譜云邳國商諸侯按奚仲本封

薛既遷于邳則以邳為薛而舊名不廢故子孫
亦以為氏後漢二十八將有衛尉信都邳彤
觀氏去聲

又平聲姒姓侯爵左傳云夏有觀扈皆同姓之國至商失國子孫以國為氏今澶州有觀城是其地也楚有觀

氏褒氏

姒姓之國禹之後也今興元府褒城是其地周幽王后褒姒河南官氏志達勃氏改為褒氏周

緡氏

夏時諸侯子孫以國為氏今濟州金鄉有古緡城姓苑有緡氏岐氏周故都也是

也太王居之至文王始遷于豐其支庶留岐故為岐氏又古有岐伯為黃帝師望出安化趙郡宋端拱登科有

岐仍氏

即有仍氏夏之諸侯后相娶有仍氏生少康以國為氏

奄氏

風俗通云奄國號即商奄

也魯地衛祝佗曰因商奄之民以命伯禽今兗州有奄城尚書成王既踐奄左傳秦大夫奄息其後也望出內

黃雙氏

顓帝之後封於雙蒙城其後因以命氏焉宋朝有尚書郎雙漸無為軍人

武羅氏

夏時

侯國吾氏

已姓夏之諸侯昆吾氏之後也昆吾為夏伯其地即濮陽縣唐武德四年析置昆吾縣是

其地也八年復省入濮陽漢有廣陵令吾
昆氏已姓夏
昆晉有交州刺史吾彥吳人也吳有吾
彥昆氏之諸侯

有昆辨見戰國策
昆吾氏之後也齊
昆吾氏世本古已姓之國夏時
梅氏

商紂時有梅伯以國為氏宋朝有梅詢
癸北氏國名女
龍圖閣學士族子堯臣有詩名宣城人
為舜妃

雷氏
後漢有雷義又有雷次宗蜀有將軍雷同吳陸抗

傳有宜都元氏
風俗通云元都古諸侯
冥氏
史記云似

孫以國為氏漢有冥都為丞
斟氏
曹姓亦作斟尋氏亦

氏亦作介斟氏並夏諸侯以國為氏皆祝融之裔國語
注曰曹姓之別也姓纂云斟尋斟灌並似姓斟戈禹後

亦似姓介斟杜
郝氏
普肯切穆天子傳郝伯
用氏
風俗

預云夏同姓
郝氏
紫之後國在虞芮之間
用氏
通古

有用國漢有高唐令用
摯氏
風俗通摯疇古諸侯國也

此名士錄有高士用羽
允氏
風俗通云夏時
灌氏
亦作斟灌氏風俗通

斟灌氏夏諸侯也子孫
廖氏
亦作颺並力救切今呼為

氏馬父有張氏冒灌氏
廖氏
料風俗通古有廖叔安左

傳作颺蓋其後也漢有廖顗為鉅鹿太守今
竹氏
姜姓

衡山南勦多廖氏或言周文王子伯廖之後
竹氏
孤竹

君成湯封之遼西至伯夷叔齊有讓國之賢子孫以竹
為氏後漢竹曾為下邳伯又擬陽侯竹晏並東莞人宋

朝有竹滋登進
邳氏
音質風俗通邳商時侯國也見

士第開州人也
邳氏
詩漢有齊南太守邳都入皓吏傳

宋朝登科邳
習氏
風俗通云習國名漢有習譽為陳相

之邵延安人
習氏
晉衡陽太守習鑿齒著漢晉春秋五

十四卷
西陵氏
古侯國也黃帝娶西陵氏女為妃

襄陽人
西陵氏
名累祖春秋時有西陵高為大夫

安陵

通志

三

氏

戰國策安陵小國侯也其後氏之安陵經楚王妃

甲父氏

古諸侯以國為氏今單州有甲父城

漢有侍御史甲父沮

有窮氏

古諸侯國也至有扈氏

有扈氏

夏諸侯國夏為扈商為崇

其地在今永興縣北二十里姓氏英賢傳曰有扈氏今為弘農人

蒲姑氏

商諸侯居齊地

西王

氏

新序子夏曰禹學于西王國

孤竹氏

商之諸侯也夷齊讓國其後遂以國氏

封父氏

夏商國名鄭有封父真為大夫

終利氏

嬴姓與秦同姓

夙沙氏

英賢傳曰炎帝時侯國左傳宦

者夙沙衛

秣氏

秣陽國也

末氏

本秣氏避難去禾今秣陵是其後也

栢成氏

俗風

通栢成子高

顧氏

已姓伯爵夏商之諸侯今濮州范縣東南二十八里有故顧城是其地也

子孫以國為氏又顧氏譜云越王勾踐七代孫闔君搖漢封東甌搖別封其子為顧余侯漢初居會稽亦為顧

氏漢有荊州刺史顧
容晉有顧悅之愷之
阮氏商之諸侯國在岐渭之間周

以國為氏後漢有巴吾令
阮敦阮氏惟盛於晉宋
共氏亦作恭商末侯國今河

侵阮祖共其子孫以國為氏晉有左行共華或言共氏
共叔段之後也又晉太子申生諡恭君其後以為氏此

皆以諡
為氏者龔氏左傳晉大夫龔堅漢渤海太守

臣謹按項羽傳義帝柱國共敖顏師古云共讀曰龔

龔即共也籀文从龍又按後漢巴郡蠻酋羅朴督鄂

度夕龔凡七姓是巴蠻亦有龔氏

洪氏

本共氏因避仇改為洪豫章有

苑氏

亦作宛狀云

欽定四庫全書

通志

三

受封於苑因以為氏或音怨非也左傳齊有苑何忌衛
有苑春鄭有苑射大漢有太山太守苑康下邳相苑暹
吳興太守苑方望出范陽南唐有苑文逢氏音龐商諸
宋朝有登科苑鈞苑湛並潁昌府人

土至商周之間有蒲姑氏代之至武王伐商而後封太
公馬其地在今臨淄古有逢蒙善射齊大夫有逢丑父
後漢處士逢萌宋朝有尚書郎逢冲齊人望出彭氏即
北海樵國又密州逢序開州逢汝舟並登科

彭之國在商時為諸侯伯古祝融氏之後有陸終氏六
子第三子彭祖建國于彭子孫以國為氏又彭亦為姓

國語云祝融之後八姓已董彭禿妘斟曹芊周滅之楚
有大夫彭仲與彭名漢有梁王彭越大司馬彭宣後漢

有彭寵望韋氏亦曰豕韋氏風姓杜預云彭商之伯國
出宜春今滑州韋城即其地能蔡龍故韋城古

城內有蔡龍井尚存按唐表云顯帝孫大彭為夏諸侯
少康之世封其別孫元哲于豕韋大彭豕常迭為商伯

周赧王時始失國徙居彭城以國為氏然元哲之名無所經見春秋時自無常國何得至赧王也常伯避二十四世孫孟為漢楚王傳去位徙居魯國鄒縣

夷狄之國

狄氏

周文王封少子於狄城因氏焉或言成王封母弟孝伯於狄城其地在今慈州魯大夫有狄廬彌古

賢人有狄儀仲尼弟子有狄黑衛人也裔孫漢博士狄山

白狄氏

狄之別種杜預云故河西郡有白狄

部

翟氏

亦作狄音宅又音狄祁姓黃帝之後世居翟地國語云翟國為晉所滅子孫以國為氏秦有翟

倭新魏有翟黃漢文景時廷尉翟公下邳人望出南陽

代氏

古代君翟國也在常山北今代州是也稱

王為趙襄子所滅其遺族以代為氏史記趙有路氏代舉漢有京兆尹代武宋朝有代淵登進士第路氏舊

作潞國語潞洛泉余滿赤狄別種隗姓子爵其地在今
上黨潞縣宣十五年晉滅之子孫以國為氏姓纂云炎
帝之後黃帝封其支子於潞春秋時潞子嬰兒是也唐
表正姬姓帝摯子元元堯封於中路歷虞夏稱侯又有
沒路真氏戎氏隱公會戎于潛之戎也杜預云陳留濟
改為路戎氏陽縣東南有戎城漢功臣有柳邱侯戎
賜宣帝婕妤好戎氏生中支氏石趙司空支雄傳云其先
山哀王望出江陵扶風支氏月支趙胡人也實西域之國
晉有高僧支遁字道林天竺人後趙有司空支雄唐有
武寧節度使支祥宋朝有支允文太平興國登科又支
詠華驪氏左傳驪戎國之後在昭應縣按昭應縣古新
州人驪氏豐縣唐改昭應宋大中祥符改臨潼縣東二
十四里有卑氏卑月國之後或云鮮卑種廬氏亦作廬
驪戎故城卑氏類漢有右北平太守卑躬廬氏音通廬
子戰黎之後此南蠻也
今襄州有中廬即其地
郗氏風俗通朝郗東夷也其後
單姓郗氏後燕錄遼西太

守郡頤西魏有揚州刺史郡椿望出丹陽天水

甌氏

亦作歐東甌王之後也

安

氏

安息王子入侍遂為漢人故其族出涼州風俗通漢有安成廬山記吳有安高唐賜抱玉為李氏其餘即

安氏也望出姑臧河內

瞞氏

風俗通云荆蠻之後本姓蠻音瞞氏左傳有司徒瞞成蠻氏

羊姓荆之

羌氏

晉石氏

鼓氏

鼓子為鞮之後也白狄別後因氏焉

也

米氏

西域米國之人也唐有供奉歌者米嘉榮五代米至誠望出隴西高平

滿氏

國語

泉余滿皆赤狄隗姓風俗通荆蠻有瞞氏音舛為滿氏漢有滿昌宋朝登科滿中正滿中行開封人滿執中滿

州人

竺氏

本天竺之人後漢歸中國而稱竺氏竺固為後漢侍中西平侯或言後漢竺晏本姓竹避

仇加二此謬論也

落氏

風俗通云皋落氏翟國也此赤宋朝竺貺舉進士

有落下閩巴郡

洛氏

即落氏落下閩亦去草後魏書

夷氏

姓纂云淮夷小國入周因氏焉其地今淮甸

皋落氏

姬姓東山皋落氏赤狄別種今絳州

垣縣西北六十里有皋落城

義渠氏

風俗通義渠狄國為秦所滅因氏焉漢書光祿大夫義渠安國

西申氏

瑞應圖周成王時西申國獻鳳留中國因氏焉

以郡國為氏

漢郡國

紅氏

楚元王交子劉富初封休侯後更封紅侯曾孫無子國絕支庶或以國為氏

蘄氏

姓苑云蘄

春秋之後也漢有弘農太守蘄良

番氏

番音婆見姓苑吳萬封番召支孫氏焉

柳氏

羊姓楚懷

王孫心號義帝都柳子孫氏姓纂云越人以郡為
焉晉陶侃別傳有江夏柳寶鄭氏姓今明州鄞縣是也

東陽氏

見姓苑此出於東陽郡也

東陵氏

風俗通東陵侯邵平子孫氏焉又齊景公時有隱居

東陵因以為氏又東陵聖母廣陵人通杜氏

櫟陽氏

風俗通後漢景丹封櫟陽侯丹曾孫分避亂隴

西因封為氏焉周陽氏

漢書淮南王舅趙兼受封周陽侯子由為河東尉因父封為周陽氏由入酷吏

傳郭頌世語云魏文帝時有周陽成能占異

信都氏

風俗通云張敖尚漢魯元公主封於信都因氏

馬一云本申屠氏古者信申音同故為信都北齊有信都芳

冠軍氏

漢霍去病封冠軍侯其後氏焉

晉有太傅東海王參軍冠軍夷見太傅佐史簿

武彊氏

漢二十八將王梁封武彊侯因氏焉

氏

漢廣武君李左車因封氏焉

通志卷二十六